

عائد من مواكب الراحلين

منى سليمان

رواية



عائد
من
مواكب
الراحتين

منى سليمان

إلى الفرحة الأولى
التي ملأت قلبي
وجعلتني أحب الحياة
وأقبل عليها

إلى أحمد ابني

الحياة تنتظر دوماً تأزم الأوضاع
حتى تُظهر براعتها
باولو كويلو

الفصل الأول مرحلة الإنتفاضة

قديمًا قالوا عندما تشتد الأزمات يأتي الفرج ..
لذلك تجد أن أشد أوقات الليل إظلاماً هي تلك الدقائق التي تسبق
بزوغ الفجر.

وها هي حياتي قد انطفأت أضواؤها. فأين الفجر ليضيء بنوره
الحنون أيام حياتي .

رضيت دائماً بقدرى وما كتبه الله لى .. وسرت دائماً على الطريق
الذى رسمه لى أبى ..

ليس إقتناعاً منى بأنه خير طريق .. ولكن فرحته بى كانت تسعدنى .
فإمتدت الحياة بى رغم أن اليوم يمر بطيئاً وكأنه عام .

أتعامل مع برود زوجى وجفوته التى ترافقه منذ ليلة زفافى بصبر
ورضا بالرغم من علمى بأنه يعرف غيرى ويهاثفها وينتظر معها
اليوم الذى يقترن بها .. فأنتظر معهما ذلك اليوم حتى أتخلص منه ..

لأنى أجب من أن أطلبه بالطلاق فأبى سيرفض ف حتى عندما
أخبرته بعلاقة زوجى بحبيبته القديمة قال :

- اجعلى الخطوة الأولى تكون منه .. حافظى على حياتك وحياة
بناتك .

وقالت أمى :

- لا تهدمى بيتك بيدك .

لكنه ليس بيتى .. هو بيت زوجى وحماتى ولا وجود لى به ولا مكان
لى فيه .. أنا مجرد ضيفة شرف .

فيكون ردهم دائماً اصبرى يا بنتى .

صبرت طويلاً ولا أعلم إلى متى سأصبر ..

صبرت على سرقة حماتي لحياتي .. فهي تتولى عنى كل شئ ..
مسئولية البيت ومسئولية زوجي ومسئولية بناتي .. وكنت راضية
فهي تدير كل شئ بسعادة ورضا .. البنات متفوقات دراسياً ومقبلات
على الحياة ويمارسن الكثير من الأنشطة التي حُرمت منها طيلة
عمرى لأن والدى كان يظن أنها ستُصرفنى عن المذاكرة .
بيتى جميل مرتب مملوء بالتحف الجميلة التي حرص والدا زوجي
على جلبها من كل مكان فصار كأنه متحف وأنا كمومياء فرعونية
أتحرك بداخله ..

حتى حجرتى لم يكن لى فيها أى خصوصية .. تحرص حماتي على
مرافقة الشغالة لترتيبها , تحصى على أنفاسي , تعلم كم مرة أدخل
الحمام ليلاً , من حادثنى فى الهاتف , متي يقربنى زوجي .. حتى
أنها تحثه على أن يقربنى .. سمعتها يوماً تقول له :

- مر عليكما أكثر من شهر وهذا شئ غير صحى .. فأجده ليلاً
يقربنى طاعةً لأمه أو خوفاً من فقدته لقدراته كذكر فأكون معه بارده
كلوح من الثلج .

نعم كانت علاقتهما تسمح بمناقشة كل شئ حتى أدق
خصوصياتى .. تحضر خياطتها لتحيك لى ملابسى وتختار لى
الالوان والموديلات كما تختار ثيابها وثياب بناتى .

والحقيقة كان ذوقها يعجبنى فلم أعترض ولم أعترض أبداً يوم حلت
حماتي محل أمى وأبى واستولت على حياتى ..

لكن برودها وتعاليتها لم أستطع التعايش معها فهي تشبه الإنجليز
وتتشبه بهم فى نظامهم وبرودهم وتتمسك بالإتيكيت .. الشاى مع
الكيك فى الخامسة مساءً .. ممنوع الزيارة إلا بموعد سابق
وتخصص يوماً كل أسبوع ليزورنا فيه الأصدقاء .. ولا بد أن يرتدى
كل الخدم يونيفورم خاص.

أما عملى كطبيبة فكان صورة مكرره مما يحدث فى بيت زوجي
فهو مدير المستشفى .. ويتولى عنى كل الحالات .

وكنت راضية هادئة مستكينة حتى بدأت تحدث معى تلك الأشياء
الغريبة .. بدأت الإنتفاضة .. وأنا أسميها إنتفاضة لأنى تعرضت لها

وحاولت أن أخرج بها من جسمى المسكون بالألم المملوء بالقهر.
في البداية رأيت مناما أفرغنى .. كانت تلك الرؤية تتكرر كثيراً ثم
بدأت أراها فى الليل والنهار فى اليقظة والمنام ..

رأيتنى أقود سيارة جيب كبيرة و أسير بها فى طريق مظلم .. ثم
رأيتنى أفتح تابلوه السيارة وأخرج منه مسدساً ثم أتأكد من حشوه
وأنظر فى المرأة .. هناك سيارة تتبعغنى أضغط على البنزين ..

لكنهم مصرون على ملاحقتى كما أن سياراتهم سريعة تدنو منى ..
تجاورنى .. يحاول سائقها أن يسبقنى ويسد على الطريق ..

أخرج مسدسى وأبدأ فى إطلاق الرصاصات .. لكنهم أسرع منى
يطلقون الرصاص على فتسقط رأسى على عجلة القيادة .. ويستمر
الرجل الذى يرتدى جلباباً أبيضاً بإطلاق الرصاص على السيارة
وعلى الإطارات وبجانبه السائق يصرخ فرحاً فتنقلب السيارة التى
أقودها وتتصاعد منها النيران ..

تفر السيارة المعتديه ثم تأتى سيارة الإسعاف وأحمل على محفة
بيضاء أنظر فأرانى نائمة .. أرانى رجلاً نائماً والدماء تغطى وجهى
..

أحد الأشخاص يصرخ فى سائق سيارة الإسعاف "أسرع لا يزال
على قيد الحياة" .. فيقترب شخصاً آخر ليزيحه من طريقه ثم يطبق
على نفسى فأشعر بالإختناق وأستيقظ صارخة .

ظللت طيلة اليوم أحاول أن أجد تفسيراً لذلك الحلم حتى نمت ثانية
فأستيقظ متأخرة .

إرتديت الروب فوق بيجامتى وخرجت من حجرتى فوجدت حماتى
تتحدث مع عم سيد .. عم سيد السائق الخاص بالدكتور راضى والد
زوجى والذى ورثته حماتى كما ورثت كل شئى عن زوجها الراحل .

كانت حماتى تصر على إرتدائه يونيفورم خاص به للمحافظة على
الوجاهة الإجتماعية .. وجدتها تناقشة ..

فألثفت إلى يسألنى ما رأيك يا دكتور ه؟؟

لم أكن أستمع لحوارهم ولم أهتم بالرد عليه أو حتى معرفة فيما يتحدثان ..

نظرت لحماتي المتصابيه .. فهي تصر على صبغ شعرها باللون الذهبي وإرتداء الملابس الأنيقة وتهتم بالسواريات العارية .. حتى أنها تشتري كل عام ثياباً لركوب الخيل .. رغم أننا لا نملك أى خيل !

ورغم أنها هي وهانى إبنا وزوجها الراحل لم يركبوا أى حصان طيلة عمرهم .. هذه الثياب ترتديها الأسرة فقط لإلتقاط الصور بها ولتضعها فى ألبوم العام . فلأسرة ألبوم كبير لكل عام يوضع فى المكتبة ولا يصح إطلاقاً أن تلتقط لهم الصور بنفس ملابس العام الماضي .

عاد عم سيد ينظر لى بإشفاق قائلاً :

- يا دكتورة.

لكن حماتي نظرت إلىّ ثم قالت :

-الدكتورة لا تشغل بالها بهذه الأشياء .. أنا هنا الكل فى الكل الرأى رأى والمشورة مشورتى.

موقف كهذا كان كفيلاً بإغضاب أى زوجة , فالمشكلة الأساسية بين كل زوجة تعيش مع حماتها فى نفس البيت

هى من منهما سيدة البيت ؟ ..

لكنى تركت كل تلك الأمور وتركت حماتى والسائق . ودخلت حجرة البنات فلم أجدهم ..

كانت حجرتهم مرتبة ونظيفة وصورهم وألعابهم موزعة بتنسيق جميل.

إنقلت لحجرة اللعب الملحقة بحجرتهم فلم أجدهم أيضاً ..

ناديت على المربية وسألتها :

- يا سهام أين البنات ؟
- البنات طلّعو رحلة يا دكتورة .
- رحلة ؟ ولماذا لم يخبرني أحد
- رفعت المربية كتفيها فخرجت لحماتي ..
- كيف ذهبت البنات رحلة دون علمي؟
- أخفضي صوتك وإهدأي لماذا الصوت العالي , بناتك طلّعو رحلة للقاهرة مع المدرسة.
- ولماذا لم تخبروني نسيتم أنهم أولادى أنا حضرتك الشورة شورتك والرأى رأيك لكن بناتى
- انهرت ولم أكن أعلم ماذا أقول وبكيت كما لم ابك من قبل
- لأول مرة يرتفع صوتى على حماتى فنظرت لى نظرة غاضبة لأنى أخرجتها أمام الخدم فردت ببرود و غطرسة ..
- تمام كل شئ بيمشي تبعاً لرأى وأوامرى .
- ثم صرفت الخدم وجلست فى غطرسة كريمة واضعة ساق على ساق على المقعد الفوتية المعلق فوقه صورة والدها البيك وجدها الباشا وزوجها الطبيب الذى ظلت تعائره طيلة عمره بأصله المتواضع وأصلها التركى .. حتى كافح وإجتهد طيلة عمره فى جمع الأموال والتجارة فى كل شئ ليكون جديراً بالهائم الأرسقراطية.
- لم أهتم بنظراتها المتحدية و غطرستها وتعاليتها على الجميع .. لم أهتم بها يوماً فهى تعلم جيداً أن أصلى لا يقل حسباً ونسباً عن أصلها وأننى لا تعينى هذه الأمور. فلو شئت لمألت حائطاً بأكملة بصور لوزراء وعلماء ولواءات شرطة وجيش جميعهم أقاربي من الدرجة الأولى والثانية لكنى لم أهتم يوماً بتلك الأمور .
- أكملت قائلة بعد أن جرعت كوب الماء الموجود أمامى كاملاً :
- لكن بناتى .. أنا تركت لحضرتك إدارة البيت , حضرتك المسئولة عن كل شئ

وليس لي أي حق في اختيار نوع الأكل , ولا من حقي توجيه أي أمر لأقل شغاله في البيت .. حتى غرفة نومى غيرتى السجاد والستائر دون أخذ رأيى ولم أعترض.

قالت بنفاذ صبر

ليست حجرة نوم ابني كما انني أختار دوما الارقى والأجمل

- وأنا جارية اشتريتها لأبنك , هذه هي حجرتي الخاصة جداً أنا زوجة إبنك ..سيدة هذا البيت .

لم تهتم بصراخي فى وجهها واجهنتى ببرود صامت ونظرات متحدية وإبتسامة سادية.

- هانى يتكلم معك , ويحكى لك ويأخذ رأيك , وكأنى لا وجود لي .
ردت قائلة بحدة :

- إنت السبب .. أنسيت كيف تزوجته لم ينس أبدا رفضك له وتفضيل ذلك الحقير عليه

بدأ الضباب يسيطر على عقلي فسألته بصوت واهن ..

- أنا .. متى .. عن أي شئ تتحدثين؟

لم أكن أتذكر عما تتحدث لكنى لم يكن يهمنى هانى ولا فيما يفكر ولم أهتم يوماً إن تحدث معى أو غاب عنى فعدت لموضوعى وما يهمنى هو بناتى .

- لكن البنات لماذا تصرين علي ابعادي عنهم؟.

- من أجل مصلحتهم .

صرخت قائلة كيف كيف يكون بعد أمهم عنهم لصالحهم

- إنت مريضه نفسياً وهانى يحاول معالجتك دون فائدة .. أنت تائهة مشتتة تنامين طيلة يومك .

ثم أكملت قائلة بنعومة الحية ..

- صحيح بناتك إنت لكنهم يحتاجون أم ترعاهم , وهذا بيتك
صحيح لكنه يحتاج ربة بيت زوجة ترعاه وترعي زوجك
وشئونيه , المفروض تحمدى ربنا إنك وجدت من يتطوع وينوب
عنك ويتحمل كل مسئولياتك .

صحتي!؟

دخل عم سيد مسرعاً ..

- يا هانم عطوة التمرجى علي الباب يسأل عن الدكتور هانى .
دخل عطوة لاهثا وقال وهو يتلفت يمنة ويسرة ليملاً عينيه من
مناظر الفخامة والأبهة التي حوله

_وقعت حادثة كبيرة على الطريق الزراعي

قالت دولت هانم:

- الدكتور هانى مسافر .

قلت بسرعة كغريق القى إليه طوق النجاة

- إنتظروني سأتي معكم.

قالت دولت هانم باستنكار

إلي أين؟؟

- إلي المستشفى أنسيت أني أعمل طبيبة فى المستشفى؟

إلتفتت دولت هانم لعم سيد :

- روح انت يا سيد .

انتظر يا عم سيد

- أجننت و أرواح الناس كيف تكونين مسئولة عنها !!

- إيه يا هانم... حضرتك غاضبة لأنك لن تستطيعي أن تحلي محلي
هناك

دخلت حجرتى غاضبة وإرتديت تايبير أسود اللون لم تختاره لى
حماتى .. سأتلصص من كل مظاهر تحكمها فى حياتى ..

خرجت لعم سيد وركبت السيارة وكان عطوة بالمقعد الأمامى عندما
دخلنا المستشفى , كان منظر البلاط المغطى بالدماء يذكرنى بحلم
الليلة الماضية فإنتابتنى رعدة شديدة .

إحدى السيدات كانت تفرش الارض عندما رأتنى إندفعت ناحيتى ,
قبلت يدى ..

- إبنى يا دكتورورة , أبوس إيدك تنقذيه .

أبعدها عم سيد عنى , كنت فى حالة من الذهول أسعفتنى عفاف
المرمضة وصديقتى منذ الطفولة

- عربية بيجو كان فيها أسرة كاملة خبطت فى العربية النص نقل
اللى بيسوقها إبن الست دى

- حالته إيه ؟

- مات .

وسواق البيجو مات هو وزوجته وصلوا لنا ميتين , الباقي الأطفال
ولد وبننتين الولد وقف ورا والده وغمى عينيه فخط فى العربية
التانيه ..

- والاطفال ؟

- جراحهم خفيفة .. كام غرزة .

دكتور نادر فى العمليات بيب ...

لم أسمع تكلمة كلامها .. دخلت لأنظر إلى الجثث الممددة أمامى ,
دخلت المشرحه كثيراً لكنى اليوم أرانى أنا الممددة على السرير ,
وأرانى غارقة فى دمائى .. عاودتنى الرعدة فسقطت مغشياً عليّ .

أسعفتنى عفاف واستدعت دكتور نادر , إستيقظت فرأيته بجانبى
مبتسماً

- أتخضينا عليك يا دكتورورة , ؟ أول مرة تشوفى جثث ؟

خرج صوتي ضعيفا

- أنا دخت فجأة؟

نظرت لى عفاف وقالت بحزن:

- أول ما شافت الجثث وقعت .

- لا لا يا عفاف أنا كنت مرهقه .

- اتركينا قليلا يا عفاف .

- حاضر يا دكتور .

- مالك يا هند ؟

- مالي أنا بخير!؟

- لا أنت تايهة وضايعة وعايشة على المهدئات مستحيل دكتور
هاني يكون هو من وصف لك هذه الأدوية

- مهدئات !

- قبل وصولي أحضر لك السائق العلاج من البيت ونظر إلي
كيس موجود علي المنضدة .

- هذا الدواء قادر علي تدمير جهازك العصبي إنت بتنتحري ..

أنا كما تري أشعر بالضياع لا أذكر شئ واهنة ومشتتة

لازمك راحة وانا كتبت لك مجموعة من الأدوية وترمى الكيس ده
تماماً إلا لو كنت تريدين الإنضمام لسكان السرايا الصفرا . لازم
تخرجى وتغيرى جو , سافرى يا هند .

عندما وجدنى صامته خرج وأرسل لى عفاف .

- أنظرى يا هند أنا ولن أقول يا دكتور ه أنا زميلة دراستك وإنت
تعلمين مقدار حبي لك إنى أحبك وأخاف عليك , أهتمي بنفسك ..
الجميع يعلمون إن دكتور هانى يكرهك بسبب ما حدث فى
الماضي.

ويعلمون أنه يخونك , وممكن يكون يحاول قتلك بهذا الدواء .

- كنت أشعر بالإختناق و اتنفس بصعوبة قلت لها بوهن

ماذا عملت فيه زمان ؟ تكلمى كل الناس يحدثونى عن زمان أنا لا اذكر أي شئ .لست فاقدة للذاكرة أعلم من أنا وأين أنا وأعرف اسماء كل الأشخاص المحيطون بي ولكن كل ذكرياتى مشوشة مضطربة نظرت لى بإستغراب :

- معقول نسيتى !

- أنا ناسية كل شئ لا أذكر طفولتى ولا أذكرك , كل شئ , عمري كله سقط من ذاكرتى .

انتفضت عفاف فجأة قائلة

- هذا صوت دكتور هانى .. أرجوك لا تقولى له أنى أخبرتك بأى شئى ممكن يخرب بيتى أنا ممرضة مسكينة.
أمسكت يدها :

- عفاف تكلمى يا عفاف أحكى لى من أنا .

دخل هانى للحجرة بوجه جامد يخلو من أى تعبير وخلفه إثنين من الممرضين , لم يكلمنى , حملنى الممرض ووضعنى على النقاله وتم حملى للسيارة ومنها للبيت .حاولت أن أتحدث لكنه أوقفني بإشارة صارمة من يده

قال بغضب :

- هذه آخر مره ستدخلى فيها المستشفى أنت فاهمه .. إنت مريضه محتاجه للعلاج .

- إنت من يريدني أن أظل مريضة , نفسي أعرف لماذا تكرهنى ؟

غرز حقنة فى يدي فشعرت بالمخدر يسرى فى جسدى ثم فجأة نزل على وجهى غطاء من الجليد وأكتملت حالة الغيبوبة العقلية , فلم أعد أدري من أنا , جلست فى فراشي بقية النهار غير قادرة على الحركة .

الفصل الثانى

مرحلة الشتات

عندما عادت الفتيات من الرحلة لم أتحرك لرؤيتهم .. نادتنى حماتى بسخرية ..

- بناتك عادوا من رحلتهم يا ست الدكتوراة .. المريبه بتشطفهم وهتجيبهم لك .

نعم فلتحضرهم لى لأنى غير قادرة على الحركة حتى وجهى غير قادر على رسم أى تعبير .

سمعت ايمى تقول عايزة أنام , أما دنيا فقد دخلت حجرتى فقبلتنى فى خدى ثم جرت ناحية حماتى وارتمت فى أحضانها وبدأت تحكى لها ما حدث معها طيلة النهار , لم أشعر بأى غضب ولا ألم لكنى حمدت الله بداخلى على عودتهم سالمين .

صباح اليوم التالى إستيقظت مبكره حتى أكون مع بناتى قبل ذهابهم للمدرسة , قاومت المخدر الذى ينتشر فى جسدى كله .

الساعة السابعة لم أتأخر كثيراً , سأجهز لهم طعام الإفطار وأمشط شعر دنيا الطويل .. إنتابتنى مشاعر سعيدة فلم يضع عمرى هدر .. رزقنى الله بفتاتين جميلتين.

دخلت المطبخ فنظرت لى فاطمة الشغالة باستغراب ..

- مالك يا فاطمة ! ضعى اللبن على النار واسلقى البيض .

- أنتظري .. اعطني اللبن وناولينى بيضتين و حبز التوست هعمل للبنات حاجه حلوة .

لم ترد فاطمة ولم تتحرك من مكانها ..

- إنت يا فاطمة .. إيه مالك ؟

ردت زينب :

- لمؤاخذه يا دكتوراة أصل دى أول مرة تدخل المطبخ .

ثم أحضرت لى ما طلبته من فاطمة .. قمت بضرب البيض مع اللبن والسكر ثم وضعت به التوست .

- ولن تكون الاخيرة يا زينب .

- أحضر لحضرتك الدواء يا دكتورة .

- لا يا فاطمة .

ثم تناولت قطعة خبز ووضعت بداخلها شريحة جبنة رومي وبدأت فى تناولها .. كنت أشعر بالجوع الشديد حتى أنى التهمتها فى أربع قضمات وأنا أتحدث مع فاطمة .

- يبدو أن الدواء الذي وصفه لى دكتور نادر سيفيدني برغم جفاف ريقى وعندى صداع جامد وجسمى كله متخدر .

- جهزى لى طاسه وزبده وتابعى البيض واللبن .

فاطمة :

- لكن يا دكتورة .

- إعملى كل ما طلبته يا زينب .

وانت يا فاطمة تعالى معي بعد البنات ما يروحوا المدرسة .. الأوضة الفاضيه بتاعة اللعب ضعي لى فيها سرير ومكتب ودولاب صغير أريد أن أكون دائماً بجانبهم .

تحركت وفاطمة تتبعنى حتى دخلت حجرة البنات لكن صدمتى كانت كبيره .. كانت العنقاء معهم .. أقصد جدتهم .. تحكى لهم حكاية لم أعيرها إهتمام حتى لم القى عليها تحية الصباح .

توجهت بابتسامة كبيرة لبناتى ..

- يلا يا بنات صباح الخير يا حبيباتى نصحى علشان المدرسة .

فين سهام المربية نادياها يا فاطمة أكيد هى لسه نائمة صحيها .

نظرت حماتى لى ببرود وقالت :

- واياه كمان ؟

دخلت سهام مسرعة :

- خير يا دكتورة في إيه ؟

- فى إيه إيه البنات دول مش وراهم مدرسة كلنا صاحيين
وحضرتك نايمة يلا خديهم وجهزيهم .

بدأت حماتى تضحك بصوت مرتفع وشاركتها فاطمة الضحك
وانطلقت دنيا تضحك معهم ..

أما سهام فقد نظرت لى باشفاق وقالت :

- يظهر حضرتك تعبانة يا دكتورة إتفضلى معايا أوصلك أوضتك .

- والبنات ؟ والمدرسة ؟

إستمرت حماتى تضحك أما أنا فبدأت أشعر بالدوار .. أمسكت
بالباب بكلتا يداى .

- فى إيه هو النهارده الجمعة ؟ مش إمبراح كان التلات والبنات
كانوا فى رحلة ؟

قالت سهام :

- فعلاً يا دكتورة .

- طيب يبقى النهارده الأربعاء وعندهم مدرسة .

قالت سهام :

- صح يا دكتورة لكن هما راحوا المدرسة .

صرخت حماتى بتشفى ..

- بناتك راحوا المدرسة ورجعوا واتغدوا وجالهم مدرس البيانو
ومدرسة الماس وبعد كذا اتعشوا وحكيت لهم حدوته علشان يناموا .

إنتى عارفه الساعه كام يا هانم ! الساعة .. ونظرت فى ساعة يدها ثم
قالت الساعة ثمانية إلا ربع بس بالليل إنتى نمتى عشرين ساعة .

إفكرتى إنك أم وقايمة تفطرى بناتك وتجهزيهم للمدرسة طيب والله
كويس .

دخل هانى من الباب ونظر ناحيتى ببرود ثم قبل يد والدته وخذها
وسألها :

- إيه الأخبار ؟

- كله تمام يا حبيبي .

- الدكتورة خدت علاجها .

- لا الدكتورة لسه صاحية .. لا خدت علاج ولا كلت اى شئ من
إمبارح .

- خدوها خلوها ترتاح .. عشيها يا فاطمة وإديها الدوا إحنا مش
ناقصين مشاكل .

- عندك حق يا ابني إحنا مش ناقصين جنان .

دخلت حجرة البنات وتمددت بجانب دنيا فقامت واحتضنتنى :

- متعيطيش يا مامى بكره تخفى وتبقي كويسة .

- لكن أنا مش عيانة يا حبيبتى .

قالت ايمى :

- لا يا ماما تيتة قالت إنك عيانة وسمعتها بتقول لتيتة شريفة
صحبته إنك مجنونة وبابا هيوديكي مستشفى المجانين .

- أنا مجنونة !!

إحتضنتنى البنات وقلن :

- لا يا مامى إنتى مش مجنونة .

فتحت سهام الباب وقالت هامسة :

- من فضلك يا دكتورة تتفضلى تروحي أوضتك علشان محدش فيهم
يكلمنى .

ساعدتنى حتى أستطيع السير وقلت لها خليكى مع البنات يا سهام
وخلى بالك منهم , التفت للبنات والقيت لهم قبلة على الهوا وسرت
مترنحة حتى وصلت حجرتى .

كان هانى يقف أمام الدولاب يغير ملابسه .. إستمر فى خلع الكرافت والنظارة وكأنه لا يرانى .

تمددت فى فراشي , خرج هانى من الحجرة ثم عاد وفى يده إبره كبيرة ثم قام بدفع ذلك السائل الأصفر فى وريدى .

قررت أن أغير حياتى من الغد , سأخرج من البيت ولكن إلى أين ؟

بدأ جفناى يتثاقلان ثم بدأت أرانى ميتة .. الغريبة أننى أعلم أنى أحلم وأن نفس الحلم يتكرر لكن مهلاً لم أكن أنا نفس الشخص الراقداً إنه رجل .. رجل فى نهاية العقد الثالث من عمره .. شخص وسيم جداً .. ملامحه مألوفة لى ..

دخلت حماتى الحجرة ووراءها هانى ثم أخرجونى .. حتى فى الأحلام لا يتركانى أهناً

مؤكد أن ما أشعر به وما أراه هلاوس ربما أكون مجنونة فعلاً كما يقولون .. لكن من هذا الشخص .. وأين ذهبت ذاكرتى ؟

عندما إستيقظت فى اليوم التالى خرجت من البيت دون أن يرانى أحد وبدأت أسير فى الشوارع ..

حرصت على إرتداء ملابس لائقة حتى لا يظنوننى مجنونة . ويبدأ الأطفال بقذفى بالطوب .

حملتنى قدمائى حتى دخلت إحدى الحدائق .. ذاكرتى ضبابية أتذكر أشياء ولكن كل افكارى وذكرياتى باهتة ومشوشة

جاء أبى سريعاً وعندما رانى نادانى بصوت مرتفع :

- هند اقفى مش قادر أجرى وراكى

مالك يا بنتى ؟

- أنا عارفه المكان ده يا بابا .

- دى أرضنا يا بنتى .. الجنينة دى بتاعتنا وهناك كان بيت جدك القديم اللى كنتوا بتلعبوا فيه وانتم صغيرين .

- مش فاكراه الحاجات دى خالص .

- تعالى معايا هنروح البيت عندنا أمك هتفرح بيكى .
- سرت مع والدى حتى وصلنا البيت ف إحتضنتنى أمى وأجلستنى بجانبها وقالت ودموعها تنهمر مالك يا هند ؟
- لم أرد عليها فقالت مخاطبة أبى :
- البنت حالتها من سئ إلى أسوأ .
- كان أبى يتحدث فى الهاتف ..
- إستمع لمحدثه على الطرف الآخر قليلاً ثم قال :
- أيوا يا هانى يا ابنى
- أنا حبيت اطمئناك إنها عندى .
- ...
- خايبها عندى لحد أعصابها ما تهدى .
- ...
- أيوا يا دولت هانم إبعنى هدموها والعلاج بتاعها والبنات .
- ...
- طيب طيب .. لكن من وقت للتانى خلى البنات ييجوا نشوفهم .
- ثم وضع السماعة .
- تصورى قفلت السكة فى وشي .
- إنت السبب . إنت إالى رميت بنتك الرمية دى .. الهانم فاكرة إنها أحسن مننا .. نسيت أصلها بنت
- خلاص يا سميحة .. هى مش ناقصة .
- ماما أنا مش عايزة الحاجات اللى هييعتوها .. الهدوم دى محبهاش .. دولت إالى مختاراهم . وبدأت فى تمزيق ثيابى ..
- حتى شعرى هى إالى بتصمم تقصهولى والخصلات الملونة دى .. كنت أشد شعرى وأمى تبكى وتحضننى

- خلاص يا بنتى هنروح نشترى لك اللبس اللى تحبيه وشعرك مش هتقصيه تانى .

- والدوا كمان يا ماما هانى بيدينى دوا علشان تيجى لى هلاوس ..
أنا مش هاخذ الدوا تانى .. هانى بيخونى وعايزنى أموت .

- من بكرة يا حبيبتى نعرضك على أحسن الدكاتره ونظمن عليكى ..
ضمنى أبى بشدة وقام بحملى ..

- بابا نزلنى إنت هتتعب كدا .

- أتعب من إيه انت خفيفة زى الريشة . وضعنى أبى فى الفراش .

- بابا لا أنا هخرج أقعد معاكم أنا نمت كثير وعايزة أكل .

- هعمل لك كل الأكل اللى بتحبيه يا بنتى .

- إنتى يا حبيبتى إيه إالى حصل لك .

- يعنى إيه ؟

- يعنى إنتى كنت هادية وبتسمى كلام حماتك وزوجك
وبتزورينا .. صحيح مكنتيش سعيدة لكن إيه إالى حصل لك ؟

سمعت أبى يتحدث فى الهاتف ويتفق مع شخص ما أن يزونا .. ثم
جاء قائلاً :

- دكتور منصور البرقاوى هيجى عندنا بالليل .. فاكراه يا هند .. ده
صديق عمى عمك منصور ؟

- لا مش فاكراه حد .

التفت إلى أمى قائلاً :

- هنوريه الدوا إالى هيبعته هانى وهيعالجها إن شاء الله زى ما
عالجها أيام هشام .

استمرت جلسة العلاج مع دكتور منصور أكثر من ساعتين .. حاول
بكل طريقة أن يجعلنى أتحدث معه . لكنى كرهته منذ رأيتة .. رجل
بدين , قصير القامة , أصلع , ملامحه كلامح اللصوص , لم

تعجبني إبتسامته ,

ظللت صامته و عندما خرج من حجرتي

قال لأبي بصوت مرتفع حرص أن أسمعه ..

- الدكتورة زى الفل , جميلة و هادية , هى بس محتاجة تريح أعصابها , خلوها تخرج وتتفسح , هات لها أصحابها يزوروها و حاولوا تنعشوا ذاكرتها .

ثم خفض صوته ..

- فعلاً الأدوية إالى كانت بتأخذها كان ممكن تجننها , بلاش أى أدوية .

عملاً بنصيحة دكتور منصور تركنى أبى أخرج من البيت أقابل الناس فى الطريق فأسمعهم .. يتغامزون و المح مصمصة الشفاة .. أسمعهم يتحدثون و يحكون فضائح هانى .

بدأت أخرج و أتمشي فى الحقول القريبة من الفيلا التى إنتقلت للعيش فيها مع والدى و والدتى و كل إسبوع يذهب أبى لبيت هانى ليحضر لى البنات و مربيتهم .

كلما كبرت الفتيات زاد إبتعادهم عنى .. لكننى صممت على عدم العودة لهانى مرة أخرى .

الفصل الثالث

مرحلة الهلاوس

مر عام كامل على مرحلة التيه التي أعانى منها لم تفجح محاولات أمى وأبى فى جعلى أتذكر أى شىء عن حياتى قبل الزواج وبدأت تنتابنى حالة جديدة من الخلط بين الحقيقة والخيال وبين الواقع والأحلام .

زارتنى عفاف الممرضة أكثر من مرة .. فى البداية كُنت أقابلها ببرود فأنا لا أتذكر طفولتى ولا أتذكر أنى أعرفها من قبل لكنى كنت أشعر بإخلاصها وحبها لى .

كنت أستيقظ لأجد نفس الحلم يتكرر فأهرب إلى حجرة أمى فأجدها تصلى ثم أجلس بجوارها حتى تنتهى من صلاتها .

عندما حكيت لها الحلم كانت عفاف موجودة قالت عفاف محذرة :

- الحلم اللى زى ده متحكيهوش يا هند علشان النبي (صلى الله عليه وسلم) قال الرؤية الصالحة من الله والرؤية السوء من الشيطان فمن رأى منكم رؤية فكره منها شيئاً فلينفث عن يساره وليتعوذ بالله من الشيطان الرجيم لا تضره ولا يخبر بها أحدا.. وإن رأى رؤية حسنة فليبشر

ولا يخبر إلا من يحب .

سألتها :

- إنت بتصلى يا عفاف ؟

- الحمد لله .

- إنتى مبتصليش يا هند ؟

- لا مبصليش ولا فاكراه آخر مرة صليت فيها أمتى .

- إزاي كده يمكن هو ده إللى مضايقتك ومنغص حياتك .

- إللى هو إيه ؟

- ترك الصلاة وترك الذكر دائماً بيرا ففهم الضنك والهم قال تعالى ((ومن أعرض عن ذكرى فإن له معيشة ضنكاً)) .. وممكن كمان يكون عندك مس .

- مس يعنى إيه ؟

- بصي متشغليش بالك بس ياريت تتوضي وتصلي وهاتي مصحف إقرى فيه .

ثم خرجت عفاف وسمعتها تحدث أمى ف سمعت جزء من حديثهم ..

- إسمعى يا طنط لازم تخلى هند تصلى ونشوف شيخ بيحى يقرأ لها قرآن وممكن حد يكون عامل لها عمل .

- عمل إيه وسحر إيه يا عفاف !

- السحر مذکور فى القران وهاروت وماروت كانوا بيعلموا الناس السحر .

- لكن متنسش قوله تعالى وما هم بضارين به من أحد إلا بإذن الله .

- صحيح لكن هو القاتل لما بيقتل مهو بيوقع القتل بإذن الله وبيكون القتل عمره إنتهى لكن ربنا قضي إنه يموت قتيل . وكل شئ فى الحياة بإذن الله .

- أبوها هيرفض إنتى متعرفيش دماغه .

- معلىش حاولى تقنعيه وأنا هشوف حد يعالجها بالقرآن .

- دول بيكونوا نصابين ودجالين .

- لا يا طنط هنشوف حد ثقة المهم نقرأ سورة البقرة وتكون دائماً متوضية ومصليه .

خرجت للصلاة عندما رأونى غيرت أمى الحديث

- إنتى هنتغدى معانا يا عفاف .

- لا مينفعش أنا عندى شغل أنا لازم أمشى علشان معاد الوردية بتاعتى .

ثم جاءت تقبلنى ..

- إستنى يا عفاف إنت ليه مهمة بيا أوى كدا وليه بتساعدينى ؟

- لأنى بحبك يا هند انت كنت أطيب بنت فى المدرسة وكنت غنية وجميلة ومتفوقة جداً لكن متواضعة وبتساعدينا كلنا وبتساعدينى أنا بالخصوص .. فاكراه لما بابا مات وجيتى تزورينى فى البيت وعرفتى أنى هسيب المدرسة لأن ظروفنا متسمحش إنى أكمل تعليمى .

- لا مش فاكراه حاجه نفسى أفكر .

- هفكرك يا هند يومها رجعتى لى بعد ساعتين واديتنى كل الفلوس اللى فى حصالتك وكان مبلغ كبير فى وقتها واتحايلتى على أمى أنى مسييش المدرسة وكنتى يومياً بتدينى مصروفك وكمان كنت بتدينى من لبسك وكتبك .

- ده واجب وأنا صحيح مش فاكراه لكن إن كنت عملت كده ؟

- عملتى اللى أكثر من كده وأنا منساش إن عمرك محسستينى إنى أقل منك .. وبمصروفك كفلتى أيتام مكنتش بصرف الفلوس وارجع أديهم لأمى وهى تصرفه على البيت (البر لا يبلى والذنب لا ينسى والديان لا يموت) .

جاءت واحتضنتنى :

- أنا مش هسيبك أبداً وهزورك كل يوم لحد ما ترجعى أحسن من الأول .

عندما خرجت عفاف دخلت أتوضأ وخرجت للصلاة سمعت أمى تحكى لأبى كلام عفاف

قال أبى :

- عفاف مين ؟

- عفاف الممرضة .

قال أبى بإنفعال :

- إنتم وصل بيكم الجهل والتخلف إنكم تسيبوا كلام الدكتور منصور
أستاذ الطب النفسي وتمشورا ورا كلام عفاف .

قالت أمى بخوف :

- السحر والحسد المذكورين فى القرآن .

- على عيني وعلى راسي القرآن , لكن ده كلام إحنا منفهوش .. هي
تصلى وتقرأ قرآن أنا موافق على كده لكن شيخ بيجي بيتزنا ويقرفنا
لا مستحيل .

نظرت إليهم وكأنهم يقررون مصير شخصاً آخر غيرى وكان الأمر
لا يعينى ..

دخلت حجرتى وفتحت المصحف ثم شعرت برغبة شديدة فى النوم
فنمت ولم أصلى أو حتى اقرأ سورة البقرة ثم إستيقظت وفتحت
النافذة فرأيت ظهر رجل يرتدى قميص أسود وبنطلون أسود يجلس
فى الحديقة .

خرجت للحديقة فلم أجده .. خرجت من الحديقة وسرت على الطريق
ثم لمحتة من بعيد فسرت خلفه كمسحوره ولا أعلم لماذا حملتنى
قدماى على السير خلفه ؟

وجدت سيدة مسنة تقف فى شرفة منزلها تنظر ناحيتى وتبتسم ..
نادتنى "يا هند استنى .." خرجت من بيتها ووقفت أمامى أحتضنتنى
بحب

- أنتى وحشتينى أوى بقالى سنين مشفتكيش ..

مالك مبترديش ليه إنت مش فاكرانى .

نظرت لها أنا أعرفها جيدا لكن لا أعلم من هى بدأت بعض
الذكريات تتكون فى مخيلتى .

دخلت البيت فدخلت خلفى ..

- أنا فاكراكى وفاكرة البيت ده .

فتحت باب إحدى الغرف ودخلت .. كنت بلعب وأنا صغيرة هنا .
رفعت ملاءة الفراش .. واستخببت تحت السرير ده أنا وهو علشان

شريف ميمسكناش .

- هو مين يا هند ؟

- مش فاكراه اسمه .. ولد صغير قد كده وأشرت لكتفى هو كان أكبر وأطول منى كان قد شريف أخويا .

- هو هشام إبنى يا هند ادعى له يرجع بالسلامة .

تركتها وخرجت من الباب إستوقفتنى .. متنسش تبقي تيجى تزورينى .

- هجيك بس إعملى لى بسكوت من اللى كنت بتعمليه زمان .

- من عينيه يا حبيبتى .

عندما تركتها كنت سعيدة أنى تذكرت بعض ملامح طفولتى لكن بقيت صورة ذلك الولد باهته فى ذاكرتى ليتنى أتذكره .. رأيت الشخص الذى إتبعه وكأنه يراقبنى ينظر ناحيتى حتى أراه وأتبعه , خفت منه فعدت إلى البيت .

وجدت أمى تنتظرنى فى شرفة البيت

- رحتى فين يا هند من غير ما تقولى ؟

- ماما هو مين هشام ؟ ردت بخوف

- هشام مين ؟

- هشام الولد الصغير اللى كنت بلعب معاه أنا وشريف واحنا لسه صغيرين .

- مفيش حد اسمه هشام كان يلعب معاكم .

- لا أنا قابلت مامته ودخلت بيتهم وإفتكرت لما كنا بنلعب أستغماية ولما كانت مامته بتعمل لى بسكوت .

- هى سميرة رجعت ؟!

- رجعت منين , هو حضرتك تعرفيها يا ماما ؟ طيب ليه قلتى إن مفيش حد اسمه هشام ؟

خرج أبى من حجرته وإقترب منى قائلاً :

- لأن هشام مات وهو صغير مات وانتم صغيرين .

- مات .. أيوه يبقي يا بابا علشان كدا مكنتش فاكره .

- تمام يا هند هو مات وإنتى كنتى صغيرة أوى .

إنهالت الدموع من عيني وبدأت أبكى بصوت مرتفع كالأطفال ..

- مات هشام مات ؟

ولم أكن أعلم من منا الذى مات هل أنا ألتى ماتت أم هو ؟.

صباح اليوم التالى دخلت بيت سميرة دون إستئذان فقد كان الباب الأمامى مفتوحاً .

خرجت للصلاة عندما رأتنى ملأت الابتسامة وجهها وقالت :

- إنتى جيتى يا غالية ؟

- انت طيبة أوى يا طنط .

- أنا بحبك يا هند لإنك من ريحة الغالى .

- مين الغالى ده ؟

- هشام إبنى .

- الله يرحمه .

إنتابها الفزع وصرخت :

- هشام عايش حرام تفولى عليه ..

- بابا قالى إنه مات من واحنا صغيرين .

- لا إبنى عايش غصب عن أبوكى .. أبوكى قتله لكن هو عايش .

- قتله ازاي ؟

جلست على أقرب مقعد لها فى تهالك وظلت تبكى وتردد :

- يا حبيبي يا ابنى كلكم ظلمتوه وقتلتوه ..

تركتها وخرجت فوجدت أبي أمام بيتها .. أخذني من يدي وسرت خلفه عائده الى البيت دون أن نتبادل أى كلمة .

استمرت حياتي كما هي حتى زادت الهلوس والتخيلات لدرجة أنني أصبحت لا أستطيع التأكد إن كان ما أراه حقيقة أم خيال .

خرجت يوماً من البيت فى الصباح الباكر .. تمشيت على الطريق القديم , فجأة هطل المطر , رأيت أمامي كوخاً , ذهبت إليه ووجدته فارغ , فاختبأت بداخله ...

وجلست قرب النافذة مسندة رأسي إليها لأرقب المطر الذى ينهمر بنعومة .. شعرت لأول مرة بصفاء الذهن الذى منحني الفرصة للتفكير فى حياتي .. كانت قطرات المطر كمغفرة نزلت من السماء لتغسل روحي .

طيلة عمري لا أجيد الثرثرة ..كنت أشعر دوماً بالخجل وأرى كلماتي باهتة , لذا أحببت العزلة وبدأت تكوين أفكار مختلفة عن كل شئ ..

أعجبتني مقولة (ابن عطاء الله السكندرى)

"ما نفع القلب مثل عزلة يدخل بها ميدان فكرة "

كانت أمي تحتفظ بلوحة زيتية رسمها جدي .. كانت اللوحة قديمة جداً قد بهتت ألوانها ..

كنت أشبه هذه اللوحة ، ألوانى باهتة ..

أنا فى خريف عمري الآن .. خريف بانس لإمرأة فى الثلاثينيات ولكنى أشعر أنى قد تجاوزت الستين , كانت أمي وحماتي يكبرننى بثلاثين عاماً ولكنهما كانتا أكثر منى شباباً وحيوية وإقبالاً على الحياة , حتى عندما أتأمل وجهى فى المرآة أراه كوجه مريض فى دور النقاهة .

قضيت العمر فى تلقى العلم وحشو رأسي به , كانت الكتب كل

حياتي , وعندما أردت تغيير تلك الحياة وإضفاء اللمسات الإنسانية إليها عوقبت بالحرمان ممن أحب ..

رأيت عصفورين يختبان أيضاً من المطر , كانا ينظر أحدهما إلى الآخر في صمت وحنو , كأنهما عاشقان بينهما لغة راقية لا نعرفها نحن .. فحسدتهما على حبهما .

بعد قليل دخل رجل إلى الكوخ يحمل حقيبة على كتفه , كان مبتلاً من المطر , ألقى حملة جانبا وأخرج من حقيبته طعاماً وجلس يتناوله في صمت ..

ثم تمدد على الأرض .. كان طويل القامة يرتدي جاكيت وبنطلون من الجينز ، لم المح وجهه في الضوء الضعيف ..

كنت أرتجف .. أخاف أن يراني .. حتى إنتظمت أنفاسه , فعرفت أنه راح في النوم ، إنتظرت حتى أتأكد من نومه ثم أخرج من الكوخ ..

شعرت بحركة خلفي .. التفت فرأيت فأراً يخرج من جحره , كان الفأر جائعاً مثلي وقد جذبته رائحة الطعام ، عندما إقترب الفأر صرخت ..

جاء الرجل ناحيتي وسألني ...

- من أنت ؟!

قلت وأنا مرتعبه ..

- الفأر .. أقصد المطر .. إختبات من المطر ورأيت الفأر .

- ولماذا لم تخبريني بوجودك هنا ؟

- خشيت أن ...

لم أكمل جملتي, رأى الهلع والخوف والخجل يسيطران على ثم
بكيت ..

قال بشفقة وحنو:-

- لا بأس .. لا بأس مرحباً بك .

- الآن إنتهى المطر أريد أن أمشي .

- كل الطرقات مبتلة وقد دخل الليل وحل الظلام .. يمكنك قضاء
الليل هنا وأنا سأبحث عن مكان آخر أقضي به الليل .

- هل هذا الكوخ هو بيتك ؟

- إن بيتي في القرية , لكنى أحيانا أبيت هنا عندما يدخل الليل وأنا
أصطاد , أنت جائع أليس كذلك ؟

قلت ...

- نعم فقد خرجت من الصباح هائمةً على وجهي لا أعلم إلى أين
أذهب .

- إنتظري سأشعل ناراً ..

أخرج سمكة من حقيبة الصيد وقام بشيها على النار ..

كانت ملامحه غاضبة وحزينة , شعرت أنه شخص وحيد .. شخص
يتألم !

قدم لى الطعام ..

تناولت طعاماً شهياً لم أذق مثله قط

- لم تسألنى من أنا ؟

- هذا لأنى أعرفك جيداً.. وهل مثلك يخفى على يا دكتورة ؟

ثم سرح ومد بصره كأنما يخترق به حجب الماضى ,,

- أعرفك منذ طفولتك .. كنت صديق شريف .. أخيكى

- شريف .. أخى ؟

عبثاً حاولت إستدعاء ملامح شريف فى طفولته ولم أستطع تذكر
ملامح هذا الرجل .

فقلت بشرود ..

- لا أذكر أنى رأيتك من قبل !

نظر لى نظرة حزينة وقال ..

- لكننى رأيتك يا هند بل ولم أرَ غيرك .

سرت قشعريرة فى جسدى .. أنا أعرف هاتين العينين .

هاتان العينان كانتا كدوامتين أغرق فيهما ..

كنت أرتعد فقد شعرت بشيء غريب ,, خوف وحب ورهبة .

دندن قائلاً :-

" أعطنى حريرتى أطلق يديا .. إننى أعطيت مااستبقيت شيئاً ,,

أه من قيدك أدمى معصمى لماً أبقيه وما أبقى عليا "

كانت تلك الدموع التى تسقط من عينيه تقطع نياط قلبي ,

أردت أن أقرب منه وأحتضنه لا أعلم لمَ نزلت دموعى أنا أيضاً ..

كنت أظن دموعى قد جفت , بكيت وإرتعدت , فأقبل ناحيتى وجلس

بالقرب منى .. فمددت يدي لأمسح دموعه كان وجهه بارد ..

مسح دموعه وقال :

- عندما عدت من السفر علمت أن شريف هاجر إلى أمريكا وأنتك

تزوجت ورزقت بفتاتين رائعتين ..

لا أعلم لماذا شعرت أنه يتحدث عن إنسانة أخرى

- أنا هشام .. ألا تذكرينى ؟

كنت أذاكر مع شريف دائماً فى بيتكم وأنت صغيرة وبعد تخرجى

من الجامعة عملت محاسباً فى شركة بترول فى الخليج لأكثر من

عشرين عاماً .. وعند عودتي .

رأيت كل شيء تغير من حولي .

عندما كنت أتأمل ملامح هشام أشعر أنى أعرفه ولا أعلم أين أو متى رأيتَه ! منذ فترة طويله أعانى من فقدان الذاكرة وفقدان التركيز .. قال لي دكتور نادر ..

- أنت كطبيبة لا تستطيعين معالجة نفسك ..

قلبك ملىء بجروح كثيرة .

كان كل ما وصفه لي مهدئاً ..

سألته : - هل ما أعانيه أل زهيمر؟

قال : - لا مريض الزهايمر لا يعلم أنه مريض .

- ولكن من أين أنتنى هذه الجروح !

وُلدت في بيت تملؤه السعادة والحب ..

أهلى ميسورون مادياً .

جمالي من النوع الهادئ الذي تستريح له العين , كنت متفوقة جداً والأولى دائماً على المدرسة .. لم يقبل أبى منى إلا المركز الأول ..

سألنى هشام ..

- لماذا أنت شاردة هكذا ؟

ولماذا خرجت من البيت ؟

هل يبحثون عنك الآن ؟

لم أرد عليه .. ليست أول مره أخرج من البيت وأهيم على وجهي .

قال لي زوجي :

- قد تتعرضين للاكتئاب

إذا استمرت حالتك هكذا .

كانت نصيحة الأطباء لي هي السفر ..

كنت أستعرض حالتي ، فأنا زوجة ولست زوجة

زوجي يعمل أكثر من ست عشرة ساعة يومياً ولا يعود للبيت إلا
لتناول الطعام والنوم ..

كل أحاديثنا ومشاريعنا مؤجلة ..

لم يحبني يوماً ..

لا ينظر لي ، حتى أشعر أنه لا يراني ، يناديني أحياناً باسم حبيبته
الأولى ..

حتى لحظائنا معاً كانت تؤلمني .. كان يغمض عينه وهو معي ..
كنت واثقة أنه يغمضها حتى يتخيلها هي معه

حبيبته الأولى التي فرقت الأيام بينهما ..

لم يكن ذنبها ولا ذنبه وليس ذنبي أنا أيضاً ،

حتى عندما ينظر إليّ أشعر أنه ينظر إلى الفراغ ، تتمدد ملامحي
في عينيه ، أتبعثر مع دخان سيجارته ، أدوب مع السكر في كوب
الشاي ..

حاولت وبكل الطرق أن أجعله يحبني

لكن كيف؟! وأنا لم أحبه يوماً ..

لكن بناتي هن من جعلنني أستم , جعلنني أظل أركب هذه السفينة
المتهالكة , والتي تشق طريقها بإرتجالية و عفوية متناهيه ..

سفينة حياتي دفنتها دائماً ليست بيدي ..

كانت الدفة في الماضي بيد أبي , ثم انتقلت ليد حماتي .. نعم

حماتي ..

فزوجي ليس له وجود .. كان زواجه بي كقدر ليس هناك منه بُدّ .

وجه أبى الدفة ناحية العلم , لا بد أن تكونى طبيبة , لا بد من النجاح والتفوق .

أنا كنت أجد نفسي فى هذا المجال , كنت أحلم دوماً أن أكون طبيبة وأعالج المرضى ,

لذلك لم تتعارض إرادتى مع إرادة ربان السفينة "أبى"

لكنها تعارضت عندما أحببت وأردت الزواج ممن أحب ,

كنت أحب هشام رجل أحلامى , كان هناك دوماً يعزف على أوتار قلبي ,

كنا نأتى هنا , نعم إلى هذا الكوخ أنا وهو وأخى شريف ..

كان شريف دائم اللوم والانتقاد لى ..

أما هشام فكانت نظراته تحيينى .. كانت رجولته مفرطة .

رسم الرومان صورة للمرأة المثالية "أفروديت & فينوس"

أعتقد أنهم لو رأوا هشام لجعلوه رمزاً للرجولة , ولصنعوا له التماثيل ..

كان عنقه دوماً مشربب غروراً وذكاءً وثقةً , أراه فى أبيات الأمير عبد الله الفيصل التى غنتها أم كلثوم .. وجدت نفسي أرددها ..

"يا فاتناً لولاه ما هزنى وجدّ ولا طعم الهوى طاب لى"

أكمل معى قائلاً :-

"هذا فؤادى فإمّتك أمره واطلمه إن أحببت أو فإعدل"

كنت كفراشة حائرة تدنو منه .. كانت رسل الشوق دوماً بيننا لاتنقطع .

أتمنى أن يكون هشام زوجى وأبى وأخى وإبنى .

أتمنى أن يكون كل الرجال فى حياتى .. كنت أرى وجهه دائماً ..

حتى بناتى لا أعلم عنهن شيئاً , قامت حماتي بتربيتهم والإستحواذ
عليهن ..

فى البداية حتى أفرغ لدراستى وعملى ..

وعندما كبرت الفتاتان شعرت أنى غريبة عنهما تماماً فأهمهم هي
جدتهم ..

كان هشام يحدثني ولا أسمع شيئاً مما يقول هل أصبت بالصمم؟!!

فجأة تنبعت إلى يده التي لمست وجنتى .. نظرت له مندهشة !

إعتذر قائلاً :

- سامحيني ..

صفعتك حتى تخرجي من شروذك .

هل صفعني حقا؟! لم أشعر إلا بيده تلمس وجنتى !

- لماذا كل هذا الحزن ؟ لا تستسلمي لزوجك وأهلك أتركهم وإذهبي
للبعثة .. وهناك ستجددى حياتك , لا أحد هنا يحتاجك أو يهتم لأمرك
.

كيف عرفت كل هذا ! كيف عرفت بأمر البعثة ! لم يرى أحد
الرسالة التي جاءتني وأخفيت عنها , ولن يعترض أحد على ذهابي
أعلم ذلك , ولكنى أخاف الإخفاق .

هناك خيوط حريرية تكبلني وتشدني للأرض ..

أبى وأمى وزوجي سيكونون فخورون بي وبيعثتي , فهم يشجعوني
دوماً على التفوق ولم يكن كل أملهم أن أظل مجرد طبيبة فى وحدة
صحية ريفية .

- نعم معك حق يا هشام .

- لا زلتِ لا تتذكرين من أنا ؟

عادت لى ذاكرتى الآن والآن فقط ..

- لا .. أنا أتذكرك , لم أنساك يوماً .. كنت تسكننى .. تحتلنى , كنت ورما بقلبي .. ورم حميد تحوصل جزء من قلبي فأحاط بك ..

كنت أحيأ بدونك بدون حياة , مجرد تمثال , آلة يحركونها بالريموت كنترول ,

طفلة فى ثوب إمراة .. كنت كدمية تتحرك بلا مشاعرو ولا أحاسيس ,

كنت أشعر دوماً أن كل هذا سينتهى يوماً ويعود كل شيء كما كان .

كنت ساكنة برغم أننى أفتقد السكينة .. هادئة برغم النيران التى تشتعل بداخلى ..

كنت غاضبة ومقهورة وخائفة وحزينة وموجوعة .. وبرغم كل هذه الآلام كنت ساكنه .. رفضت إجراء جراحة لإستئصالك .. لإستئصال ورمك من صدرى .

- ورم ؟! هل كنت بالنسبة لكِ ورم يا هند ؟!

- نعم كنت أحبك وأكرهك .. فعندما أخبرونى أنك تزوجت غيرى زواجاً عرفياً ..

لكنى علمت الحقيقة ..

خرج وتركنى فجأة وبعد قليل وجدت زوجي وأهلى يملئون المكان ..

كان هشام يقف بعيداً ينظر لى ويبتسم ويقول عرفت طريقك فلا تتركه "السعادة والحرية"

عندما وصلنا للقريه وجدنا الجميع يذهبون لتشييع جنازة أحدهم ..

قالت لى أمى ..

- هذه جنازة هشام نور الدين .

- هشام من ؟

- هشام نور الدين , منذ تقدم لخطبتك ورفضناه منذ أكثر من عشرين عاماً ترك البلدة ولم يعد إلا اليوم من الكويت ولكنه عاد فى صندوق خشبي .

- هشام من؟

كررت ثانيةً ..

- هشام من يا أمى؟

ألم ترينه يا أمى ؟ لقد بات معى الليلة فى الكوخ المهجور .. كوخنا القديم .

- يا هند لقد مات هشام منذ أسبوع .

تسارعت نبضات قلبي ثم شعرت أننى سأفقد توازنى وسأقع على مرأى من الجميع ,

ثم إنهرت تماماً أنتحب وأشهق كطفل خائف خارت قواى وأحلامى وكل جزء فى ..

كنت ألوم نفسي أقتلها لوماً على تركى لك لكننى لم أكن أعى ولم أكن أدرك شيئاً ..

إقترب هشام مرة أخرى منى وإحتضننى .. كان هذا هو دفء هشام , ونمت لا أعلم كيف نمت لكننى كنت بين أحضانه يقبلنى يقبل يدي ورأسى

- عادت ذكرياتنا معاً تملأ رأسى ..

نظرت له هل مت حقاً؟!!

إبتل وجهى بدموعه ..

أمى كاذبة خدعتنى كما خدعتنى من قبل هى وأبى .. أخبرونى بقصة زواجك من زميلتك ثم هجرك لها

علمت بعد أن طردتك من بيتنا أنهم كاذبون ..

وهى تكذب الآن .. تقول لى إنك قد مت وأنت هنا لاتزال بجوارى
ممسكاً بيدي ..

- أتذكر كلماتك عندما كنت تهمس بأذنى أحبك , غارق أنا بك ,
غارق حتى أذنى .

- أتذكرى أماكننا , أماكن عشقنا الدافئة , شفطاك تتحركان بكلمة
أحبك ..

لم ير الحب مثلنا يوماً يا حبيبتي شربنا نهراً من الحب وسرنا فى
طريق الحب حتى آخره ,

كنا معاً طفلين نلهو ونلعب

كنتى امرأتى لا زوج لكِ غيرى .

كان موضوع زواجنا محسوم .. عندما تتخرجى من كلية الطب حتى
ذلك الوقت أنت زهرتى وملكتى

أوتذكرين عندما كنت أرافك حتى الجامعة ..

أوتذكرين كوئنا هذا وسمكننا المشوى وأصابعك التى كنت ألتهمها
مع الطعام ..

كم تمنيت أن أضمك لصدري لكننى كنت أضم يدك , كم تمنيت أن
أقبل شفطيك أن أسكر برحيقهما , لكنى كنت أقبل يدك .

- أذكر كل ذلك نعم .

أكمل قائلاً :

- ولكنهم تنبهوا لنا إستكثروا علينا السعادة .. حسدونا على حبنا , لم
نكن نريد من الدنيا إلا أن نتزوج , أريدك أنت أحبك أنت يا امرأة
قلبى .

عندما تقدم زوجك ليخطبك صرخنا معاً فهو طبيب ناجح يكبرك
بعشرة أعوام يملك أموال طائلة ويملك قلب كالصخرة الصماء .

هنا ترك والدك التفكير فى العلم , وطمع فى الأموال فقتلنى , أهدر
دمى , بعثرنى ..

عندما تقدمت له أطلب يدك أهاننى , ثم جاءت أمى لتخطبك لى , لم تتحمل أمى استهزاءه بي ومقارنته لى بزواجك فأهانوها فعادت إلى البيت باكية ..

كم كنت أنا وأمى فى قمة سعادتنا عندما جنئت خلف أمى تقبلينها وتعترى لى ولها .

- نعم يا هشام أذكر .

فأنت تعلم كم كنت أحب والدتك فهى إنسانة طيبة وحنونة .

- يومها أقسمت أنك لن تتزوجى غيرى .

- وفعلاً رفضت هانى , بل ناديته وقلت له فى وجهه أنت لا تقبل أن تتزوج فتاة تكرهك وتحب غيرك .

- رأيت والدك كيف صفعك .. تمنيت أن أقتله وأنتقم لك منه .. لكنه والدك .

- نعم يا هشام أبى سامحه الله ليته إكفى بصفعى لكنه قتلنى , هانى أيضاً إنتقم منى شر إنتقام .

- نعم يا هند سمعت أنه أقسم أنه سيتزوجك .. ماذا كنتى تسمينه ؟

- أه نعم غندور .. لا أعلم لما أسميته هكذا ..

لأنه كان يتغندر فى مشيته كطاووس , كنا نتندر عليه دوماً .. لم أكن أعلم أنى سأبتلى به .

كانت خطتهم أن يجعلونى أكرهك .

- نعم كان معهم شيطان .

- تقصد شريف .

- نعم كان صديقى الوحيد لكنه خطط لقتلى .

- علمت أن أبى هدده بقتلى , كان يظننا نخدعه , فأراد الإنتقام منك , قال أنك خنت صداقتك به وأقمت علاقة حب مع شقيقته من وراء ظهره .

- لو كنت أعلم أنه سيتفهم لأخبرته .
- خطط شريف لكل شئ فإستغل صور إحدى الرحلات حتى يقنعنى بزواجك من أخرى أعطانى الصور وخطابات بخط مثل خطك تماماً
- وأنتِ صدقتهم وطعنتِ قلبي بكلامك .
- أنتِ سافرت مباشرة لم تنتظر .
- من أخبرك بذلك ؟ لقد عدت فوجدتك تسيرين بجانب غندور يوم زفافك .. قرر والدك أن تُزفى وتسيرى فى البلدة بأكملها .
- كان أبى يحاول أن يواجه الإشاعات , فقد تحدث الناس عنى وقالوا إن ما بيننا كان شيئاً غير طاهر .
- كيف يظنون بكِ ذلك ؟
- ما أوجعنى أكثر الراقصة التى رقصت بمنديل به دماء طُهرِك ..
كيف سمحت له ؟ كيف سمحتِ لهم ؟
- كنت مذبوحة . هل للذبيحة قدرة على مواجهة الجزار ؟
- سقطت فى غيبوبة عميقة , دوامة من الذكريات .. كنت أحلم .!!?
نعم كنت أحلم ,, مات هشام

الفصل الرابع مرحلة عودة الوعي

أفقت فوجدتني في إحدى المصحات النفسية وقد تذكرت كل شيء ..
تذكرت قصة حبي لهشام وعلاقتي به .. تذكرت كيف أرغمني أبى
أن أقول له إرحل إننى لم أعد أحبك .. إرحل ودعنى .. وكيف كان
وداعنا.. ثم دخولى للمستشفى بعدها .. نعم هذه ليست أول مرة أدخل
فيها مصحة نفسية .

هل جاء ليودعني بعد موته ؟ هل جاء لينقذ حياتي من الضياع ؟
علمت أنه توفى إكلينيكاً منذ أكثر من عام , كان موضوع على
أجهزة التنفس الصناعى طيلة هذا العام ، عندها بدأت أصاب بتلك
الحالة الغريبة من الشرود .

لم أعد إلى البلدة بعد خروجي من المستشفى بل أخذت بناتي معى
وسافرت إلى أمريكا .

سأحاول هناك أن أستعيد بناتي وحياتي التى تسربت من بين
أصابعى .

هشام لن يعود فقد مات .. نعم هشام مات .

إستقبلنى شريف فى المطار فاتحاً ذراعاً لكنى صفعته على
وجهه ..

ثم احتضنته وبكىنا معاً ..

- انت السبب .

قال :

- أعلم أتمنى أن تسامحيني .

- هشام مات .
- أعلم منذ عام وأنا أراه فى أحلامى بيكى وأحياناً كنت أراكما معاً فى الحلم .. لذلك بحثت عن عنوانه وعلمت أنه فى غيبوبة .
- هى ظاهرة غريبة حقاً .
- نعم يا هند أتمنى أن تسامحينى .
- إحتضن بناتى وقبلهن ..
- ماذا ستفعلنى مع هانى ؟
- لا أعلم ، ساترك كل شئ للأيام .
- ما زلت زوجته ؟
- نعم ما زلت زوجته وما زال والد بناتى .. هذه حقيقة مؤلمة .
- وكيف تركتك حماتك ترحلى بالبنات ؟
- لأول مرة والدك يقف بجانبى .. أقنع هانى وحماتى بأن السفر فى مصلحة الفتيات وبأنك سترسل لهم دعوة لزيارتنا فى أمريكا .
- ضحك شريف طويلاً ..
- حماتك ناقص تتكلم تركى وتقول :...
- آمان ربي آمان .
- لم أكن قادرة على الضحك فقلبي مروع ومتألم كما أننى لم أسامح شريف على ما فعله بى حتى تصفو نفسى وأضحك على طرفته ..
- سرحت فى هشام .
- تدمع عيني دماً عندما أتذكر تلك الحقيقة أن هشام لم يخنى يوماً لم يتزوج غيرى ، لم يحتضن امرأة سوايا ، عاش على البعد لى أنا ..
- أنا أيضاً لم أحب غيره لم أعشق سواه .
- حملت وولدت من غيره ولكننى لم أنساه .. سكن رجل ما جسدى لكن قلبى لم ينساه وعينى لم تنساه ، تناسيته أنا لكننى لم أنجح فى نسيانه، فى محو تفاصيله من عيني .

قلبي الآن يهمس لي أنني لابد أن أكمل الطريق وأن أحقق أمنيتك ..
ألا أقتلك مرة ثانية .

صرت الآن امرأة بائسة عليها طرق الأبواب حتى تتخلص من
بؤسها وحيرتها ,

لا أعلم كيف مرّ أمس بدونك ولا أعلم كيف سيكون الغد ؟.

هل عدت شفقة على يا هشام ؟
هل كنت
تعانى بسببي ؟ .. بسبب حماقتي التي أنهت قصتنا معاً وجعلتنا نعانى
عشرين عاماً من الهجر والفراق

كنا عالقين معاً أنا وأنت .. عالقان في حياة من البؤس والحرمان .

هل كنت سعيداً يا أبى وأنت ترانى أموت أمامك ببطء .. كل يوم
يموت منى جزء ما .

أيام حبي لهشام كنت " بريئة جداً - رومانسية - حاملة " كانت الحياة
فراشات وأزهار وشموع ،

بعد سفرك إنقلبت الفراشات لصواريخ والأزهار لقنابل عنقودية
والشموع لبراكين وزلازل ..

ثم تحولت الحياة إلى صمت لا لون ولا طعم ولا رائحة
تشابهت الأيام ..

قال لي زميل يوماً :

- إن غموضك يا هند يحيطك بهالة جذابة.

لكننى لم أكن يوماً خبيثة .. أقصد لم أتعمد يوماً أن أكون غامضة .

كنت مثل هشام كل سعادتنا عندما نقرأ ديوان شعر أو نستمع
للموسيقى .

يوماً أهدانى ديوان " في عينيك عنواني " لفاروق جويدة. قرأناه معاً
وحفظناه معاً .

كنا نردد قصائده وعندما نخجل من ترديد كلمات الحب نستمع
لموسيقى الفصول الأربعة , ونقرأ أشعار نزار قباني .

" متى ستعرف كم أهواك يا رجلاً أبيع من أجله الدنيا وما فيها .. لو
تطلب البحر في عينيك أسكبه أو تطلب الشمس في كفيك أرميها "

عندما طالبت زوجي بالحب نظر لي نظرة باردة وقال:

- الحب والشعر لن ينفقوا على هذا البيت .

قلت :

- لكنهم سيمنحانا السعادة سيكونان سببا في نجاحنا.

- إنت عبيطة وساذجة .. عيشى الواقع .

هل امرأة تسعد بقربك وحنانك تكون " عبيطة"؟ امرأة تحتسي معك
كوباً من الشوكولاه الساخنة وهى تنظر فى عينيك بإبتسامة حالمة
تشتاق لحبك وحنانك ..

هل هى امرأة "ساذجه " ؟!

وماذا صنعت بنقودك؟ غير أنك تكدسها فى البنك ولن تصرفها يوماً
فقد ورثت من والدك أموالاً طائلة ، متى ستنفقها؟

ألم يكفك أنك تطعمنى رماد امرأة أخرى تنادينى بإسمها ثم لا تعتذر
حتى و تنظر لى .. كأنه لم يحدث شيء ..

فى شهر عسلنا كنت تتركنى وتحديثها فى التليفون ، كنت تعاملنى
كدمية تقضى معها حاجتك وتنام لا تعتقد أننى امرأة .

ألا تعلم أننى أحس وأتالم ؟ نعم كنت أتالم .

كنت حريصاً ليلة زفافنا أن تطمئن على عذريتى فذبحتنى بأعصاب
باردة .

قصة حبي لهشام كانت تقتلك ، كنت تخشى أن يكون قد إقتررب
منى .. لم يكن هشام يحتاج لذلك - كان يمتلك الروح فلماذا يلمس
الجسد؟!!

سألت هشام يوماً :

- ماذا يعجبك بي ؟

قال :

- كل شيء .. حتى أنني لا أستطيع أن أعرف أية تفصييلة بك أجمل .

قلت :

- لست جميلة هكذا .

قال:

- أنا لا أحب جسدك أنا أراك كما رأى بشار بن برد محبوبته .

- وكيف رآها ؟

قال:

- كان بشار أعمى فلم يرها ولم يلمسها برغم ذلك عشقها وكتب فيها
أجمل أبيات الغزل .

- ماذا قال ؟

قال :

- "وكان تحت لسانها هاروت ينفث فيه سحراً وكان وقع حديثها
قطع الرياض كسين زهراً وتخال ما جمعت عليه ثيابها ذهباً
وعطراً"

أنا الآن قد رحلت بعيداً عن هانى وأمى وأبي حتى عن ذكرياتي مع
هشام .

رحلتُ بعيداً عن نفسي لأحيا من جديد امرأة أخرى بقلب آخر .

أيقظنى شريف عندما وصلنا منزله ..

إبتسم قائلاً :

- نمت طول الطريق تقريباً

- لا أنا مكنتش نائمة أنا كنت معه .

- مع من ؟

- كنت مع هشام .. فى الماضى كنت أخاف أن أحدثك عنه لكن الآن
لن أحدثك إلا عنه .

- لاتنسى وجود بناتك .

- سأحكى لهم كل شئ.

حاول تغيير مجرى الحديث وأشار للفتيات ..

- هذا الشارع أخره مدرستكم .. انتم كنتم فى مدارس إنترناشيونال
ولن تشعروا هنا بفرق كبير لا فى المناهج ولا فى التأقلم .

قالت دنيا :

- انت عندك أولاد يا خالو ؟

- عندى بنوته إسمها هند عسوله زى مامتكم .. عندها أربع سنين
وعندى ولد صغير عنده ست شهور .

ايمى :

- إسمه إيه ؟

- إسمه هشام على إسم صديق عمى .

دنيا :

- هنلعب معاهم كتير .

- طبعاً يا حبيبتي .

- أسميت أولادك على أسماءنا أنا وهشام ! هل أردت أن تجمعنا مرة
ثانية؟ !

لم يرد شريف وواصل القيادة والحديث مع البنات

- هذه هى المدرسة ايمى فى الصف الثالث ودنيا فى الصف
الخامس.

- لم نعلم أين سنستقر .

- فى بيتى طبعاً .

سوف تتضايق زوجتك من هذاالوضع .

- عندما نتعرف في عليها ستعلمي كم سترحب بكم هى شخص مختلف ولن تخرجوا من هذا البيت انت وبناتك إلا يوم زواجكم .

ثم أوقف السيارة وقال بلهجة مسرحية ..

- تاتا تا .. هذا بيتنا .

شوفوا هيعجبكم جداً إن شاء الله .

خرجت هند الصغيرة راكضة وخلفها سيلفانا تحمل طفلهم الرضيع وعلى وجهها ابتسامة مرحبه مسحت الكثير من إحراجى ..

حمل شريف الحقائب وأدخلونا ردهة البيت ..

- الحديقة رائعة جداً .

- الحديقة الخلفية ستعجبكم ننوستى هى البستانى .

- من ننوستك يا خالو ؟

- إنتظروا حتى عرفكم بأسرتى ..

هذه زوجتى الجميلة نسيبة .

تعجبت للأسم ..

- نسيبة أنا أعرف إن إسمك سيلفانا .

- لا يا هند سيلفانا هذا كان قبل أن تصبح مسلمة مسلمة وهى بحثت فى سيرة النبي (صلى الله عليه وسلم) وإختارت إسم نسيبة .

- لماذا إخترت إسم نسيبة ؟

قالت سيلفى أو نسيبة :

- على إسم أم عمارة صحابية جليلة "نسيبة بنت كعب" .

- أول مرة أسمع عنها .

- أم عمارة التي قال لها النبي صلى الله عليه وسلم "من يطيق ما تطيقين يا أم عمارة" والتي دافعت عن النبي بمفردها يوم غزوة أحد وظل المشرك يضربها على ذراعها حتى تفسح له المجال ليقتل النبي ولكنها لم تتحرك حتى قطع ذراعها وجاء أولادها وبعض الصحابة وتولوا الدفاع عن النبي .

فقال لها النبي " من يطيق ما تطيقين يا أم عمارة " فقالت "أطيق وأطيق وأطيق ولكن ادعو الله لى حتى أكون رفيقتك فى الجنة " فقال (صلى الله عليه وسلم) "انت وأهل بيتك جميعاً" وكانت تشتريك فى الغزوات حتى بعد وفاة النبي صلى الله عليه وسلم .

كنت أستمع لها بذهول .. لم تكمل أربعة أعوام فى الإسلام وعندها كل هذه المعلومات وكل هذه الثقافة ..

تحدثت أخيراً :

- ما شاء الله إيه يا بنتى ده انت موسوعة .

إبتسمت وقالت :

- أبدلنى الله ديناً وإسماً وأسرة جميلة .. عندما سأحكى لكى حكايتى سنتعجبين يا هند .

قال شريف :

- ننوسة حريصة على التحدث بالفصحى أليس كذلك ؟

قالت :

- نعم إن شاء الله .. هيا بنا أريك مكان اقامتكم حتى ترتاحوا من عناء السفر .

صعدت بنا للطابق الثانى وقالت :

- هذه تعتبر شقة مستقلة تماماً .. كان مالك البيت السابق يؤجرها منفصله عن البيت لذا ستجدوا بها حجرتين للنوم وصالة إستقبال

ومطبخ وحمّام ستأخذون راحتكم فيها إن شاء الله .
- فعلاً المكان كان جميل والبنات أعجبوا بحجرتهم .
قالت نسيبة :

- أحضرت هذا البيانو للبنات عندما علمت أنهم يعزفون الموسيقى .
هناك بعض الألعاب الجديدة والثلاجة بها بعض الطعام لكنكم
ستتناولون الطعام معنا دائماً .
شكرت شريف وقلت :

- كل هذا كرم منكم .. أنا سأحتاج أن تدلني على مكان الجامعة
وسأحتاج حتاج أشتغل لإن فلوس البعثة لن تكفيني .. إنت تعرف
طبعاً كل الأماكن دي .

- طبعاً هل نسييتي إن أنا قدمت لك على البعثة .. كمان هعرفك
مكان جامعتك لكن إنت ستحتاجين إلى سيارة .. إستعلمي سيارة
نسيبة هي في أجازة هذه الأيام حتى نشترى لك واحده لإن بيتنا في
الضواحي .

-المشكلة في الفلوس ؟

- موضوع الفلوس هو المفاجأة الثانية .. بابا وهانى حولوا لك في
حسابك مبلغ كبير جداً .

- بابا ممكن لكن هانى ????

- هانى ارسل لك المفاجأة الثالثة ورقة طلاقك وأعتقد إنك لن
تغضبني .

- على العكس هذا أكثر شئ أسعدني .. أخيراً أصبحت حرة
وسأعيش في أمريكا وأكمل دراستي .

- وتتعلمي دينك الصحيح من نسيبة .. تعرفي إنها بتعطي دروس في
المركز الإسلامى هنا .. أنا تعمقت في الدين من وقت إسلامها ..
كنت أصلى عندما أعود من العمل وأوقات أكسل ومعلوماتي الدينية
قليلة جداً .

- معقول !

نادتنا نسيبة قائلة : - هيا الى الطعام .

تركنا شريف لنغير ملابسنا ثم نزلت أنا والبنات الى الأسفل .

قالت نسيبة :

- هلموا الى الطعام الساخن .

.....

- عجبانى وإنتى بتتحدثى الفصحى يا نسيبة .

- تعرفى أجمل شئ تعلمته منكم إيه يا هند ؟

- إيه هو ؟

- هو ده .

وجدتها تحتضىنى بشده وقالت :

- الحضن الكبير .

- انا سعيدة جداً بوجودك انت وبناتك معنا وهطلب منك تعلمينى

كيف أصنع الطعام المصرى .

قال شريف :

- تتعلم وبعدين تعلمك هند يا حبيبتى مبتعرفش تسلق بيضة .

ضحكنا جميعاً حتى هند الصغيرة .

قالت ايمى :

- فى مشكاة إن البيت فيه إثنين هند هتتلخبطوا .

قال شريف :

- كل واحد هنا له إسم دلغ يعنى نسيبة إسمها ننوسة وهند الصغيرة

إسمها هنوده زى ما كنت بنادى هند دائماً وهشام إسمه إتش .

تذكرت أنه كان ينادى هشام أيضاً بـ إتش .

بعد الطعام ذهبت أنا وبناتي لننام .. إحتضنتهم ونمنا نحن الثلاثة فى فراش واحد .. دخلت نسيبة للحجرة ونظرت لانا بابتسامه جميله وقالت :

- منظر كم حلو .

همست لها :

- لانى أنا وهما فى حالة تعارف جديدة وحالة حب لم نجربه من قبل .

قالت :

- ناموا الآن وغداً نجلس معاً وسنتحدث كثيراً .

أغلقت الباب وغرقت فى نوم هادئ مطمئن ..

صباح اليوم التالى وبعد تناول طعام الإفطار أخذت نسيبة الأولاد جميعاً وخرجت للحديقة الخلفية المملوءة بالكرات الكبيرة والألعاب .

وأحضر لى شريف البومات الصور التى تجمعنى به وبهشام وذكرياتهم أيام الجامعة .

لكنى رأيت صورة لهشام وشريف ومجموعة كبيرة من أصدقاءهم بها الفتاة التى إدعت أن هشام تزوجها فأصابتنى رعشة .. أخذ شريف الصورة ومزقها كأنه يمزق دليل إدانة .

- إحكى لى بالتفصيل يا شريف مين البنت دى ؟

- دى إسمها نجوى .. كانت جريئة زيادة عن اللزوم وكانت بتحب هشام ولإنها كانت مغرورة إعتبرت رفضه ليها أهانة لكرامتها ..

فوافقتنى على الخطة الشيطانية اللى عملتها ونفذتها معايا بحماس ..

أتمنى تسامحينى يا هند .. وأنا مش هدافع عن نفسى .. الغضب وقتها كان عامينى إزاي أختى تكون على علاقة بصديقى .. ولما هانى ملأ البلد بالإشاعات أنا كمان صدقت إن علاقتكم مكانتش بريئة

فحببت أنتقم وقتلتكم يا هند .

مسحت بيدي دموع شريف فقبل يدي :

- أنا عاهدت هشام إني هاخذ بالى منك ومن بناتك .

- عاهدته إمتى ؟

- من أربع سنين قابلته هو ووالدته عند الكعبة .. كنا بنحج .. قعدنا مع بعض كثير وأقسم لى إنه عمره ما لمس إيدك ولا إنفرد بيكى وإن علاقتكم كانت شريفه وانه فضل يحبك .

- تعرف نفسي أحج وأكيد هشوف هشام هناك .

- هند فوقى هشام مات .

- هو مات بالنسبة للكل لكن أنا لسه بشوفه وأكلمه .. تعرف أنا ليه اتعلقت بهشام أوى كدا ؟

- ليه ؟

- أنا معرفش بس كنت بحس إنه أخويا وإبنى وأبويا ملانى بكل المشاعر دى .

- أنا وبابا فعلاً كانت معاملتنا باردة وقاسية أوى معاكى وهو كان حنين .

- علشان كده هو عايش .

- حتى الآن محدش يعرف هشام مات إزاي وإيه الحادثة اللى إتعرض لها .. كل إللى يعرفوه إنه إتعرض للحرق هو وسيارته .

- لا أنا عارفه الحادثة إللى إتعرض لها هشام ..

هشام خرج من مبني على جداً وركب سيارته ومشى بيها وكان فيه عربيه بتطارده وبدأوا يضربوا عليه نار وهو كمان كان بيضرب عليهم نار فبدأوا يضربوا على الإطارات لحد ما عربيته إتقلبت والنار إشتعلت فيها والإسعاف نقلت هشام للمستشفى .

هم شخصين واحد كان عايز ينقذه والتانى كان عايز يقتله فحصل نزاع بينهم .

- إيه إلی إنتی بتقولیه ده ؟

- ده إلی كنت بشوفه فى الحلم كل يوم على مدار سنة كاملة .

و كنت بشوف هشام وانا صاحیه .. يمشي وانا امشي وراه وقابلته فى عشه الصيد .

- ده جنون .. لكن فى شئ غريب الحادثة انت بتوصفيها كإنك كنت حاضر اها وهى دى الحادثة إلی تعرض لها هشام فعلاً .

- لا مش جنون دى حالة الصلة الروحية إلی بينى وبينه .. لكن هما ليه إستعجلوا وشالوه من على أجهزة التنفس كان ممكن يخف .

- الحروق اللی فى جسمه كانت حالتها بشعة .

- حروق إيه هشام ما إتحرقش هشام إنضرب بالرصاص .

- إنتی هتجننينی .. على فكرة خالته وولاده عايشين هنا فى أمريكا ووالدته بتيجى تزورهم ولما تيجى هنا هخليكى تشوفها .

- أنا لسه بحلم بهشام وواثقة إنه عايش ..

هشام مماتش يا شريف .. لو الجثة اللی جت البلد وإتدفنت هناك دى جثة محروقة .. تبقي مش جثة هشام ولازم ندور ونعرف هشام فين .

تعرف إنى حلمت إنى بطوف بالكعبة وهو معايا علشان كذا صحيت منتعشه .

- أنا قابلته أثناء الطواف لما كنا بنحج أنا ونسيبة .

- طيب ممكن تحكى لى إتقابلتوا إزاي ؟

- كانت نسيبة وقتها داخله الإسلام بتتعرف عليه وكمات كانت مريضة جداً ووجدت فى طنط سميره صحبة جميلة وفرحت بيها جداً ..

هخليها تحكى لك على الفترة دى من حياتها وأروح أنا ألعب مع الأولاد .

جاءت نسيبة وجلست بجانبى سألتنى :

- إنتى نمت جيداً يا هند .. وشك منور .

- أه متصوريش نمت بسرعة قد إيه وكنت مرتاحة .

- ممكن تحكى لى حكايتك .

إبتسمت قائلة :

- تقرأيها مكتوبة ولا تسمعيها .. أنا بكتب كتاب عن دخولى الإسلام .

- أمممم لا أفضل أسمعها منك وبعد كدا نقرأ الكتاب إن شاء الله .

- عندما تعرفت على شريف وأحببنا بعض إتفقنا على ترك موضوع الدين كحرية شخصية .. والدتى مسيحية متعصبة أما والدى لم يكن متدينا أبداً .. كانت والدتى تحرص على ذهابنا للكنيسة وتحيي في بيتنا كل مظاهر التعصب للدين بخلاف أبى الذى لم يهتم يوماً بالدين أو العبادة ..

- مع شريف تعرفت على الدين الإسلامى واحده واحده .. لكن أول ما لفت نظرى هو الوضوء وحركات الصلاة وصوت شريف عندما يقرأ القرآن .. عندما كنت حامل فى هند كان شريف يقرأ على آيات الرقية الشرعية فأشعر بالهدوء والسكينة وأنام ملاً عينى فلا تنتابنى الكوابيس .. طلبت منه تفسير بعض آيات القرآن فأحضر لى كتاب تفسير لمعانى القرآن مترجماً بالإنجليزية لم أكتفى بذلك فأحضرت مجموعة كبيرة من الكتب وعكفت على دراستها ليل نهار .. كان يرانى أقرأ فبيتسم لى ولا يتكلم .. كان شريف يضع أشرطة القرآن الكريم بصوت الشيخ عبد الباسط عبد الصمد وينام ويعيد الكاسيت تكرار الشريط حتى الصباح فأشعر بحالة من الراحة والسكينة تغمرنى واحلق كطائر.. أنظر إلى السماء وأشعر أن الملائكة تبتسم لى .. عكفت على دراسة تلك الكتب بنهم وفضول شديدين وتكونت لدى عقيدة واضحة بأن الاسلام هو الدين الحق وهو المنهج القويم الصالح لكل العصور وأحببت شخصية النبي محمد (صلى الله عليه وسلم) وأحببت صحابته رضوان الله عليهم

- عندما إنتهيت من آخر كتاب كنت أقرأه كان الفجر يوشك أن يؤذن فذهبت لشريف وأيقظته وقلت له هيا شريف لنصلى الفجر .

جلس فى الفراش ونظر ناحيتى وقال :

- هل هذا حلم ؟

ثم أخبرنى أنه منذ أسبوع يتكرر هذا الحلم يرانى أرتدى جلبابه الأبيض الذى يلبسه لصلاة الجمعة ويرانى أوقفه لنصلى الفجر معاً .

قلت :

- ولكنك لا تحلم أنا الآن مسلمة حقاً وأريدك أن تعلمنى كيف أدخل الإسلام وأصلى .

- لكن لا بد أن أتأكد بأننى لا أحلم .

فتناولت يده وقبلتها ..

قال :

- لا يكفى .

فعضضته فى يده حتى صرخ

طلب منى أن أشهد أن لا إله إلا الله وأن محمداً رسول الله ..

ثم حملنى إلى الحمام و علمنى كيفية الغسل الإسلامى الذى يسبقه الوضوء ثم علمنى كيفية الوضوء ..

ولأننى لم أكن يومها أملك ثوبا يصلح للصلاة أعطانى جلبابه الأبيض حتى أصلى فيه .

وظل يحملنى بالببيت طيلة اليوم من مكان إلى مكان آخر لم يتركنى أسير على قدمى .. كان سعيداً بى ..

كانت سعادته بى تجعلنى أكاد أطير من الفرح .. لم أخبر أى إنسان بأمر إسلامى إلا بعد أن أتقنت الصلاة وحفظت بعض السور القصيرة وقرأت كتباً كثيرة للرد على الشبهات التى قد يواجهنى بها البعض وخصوصاً أمى ..

و فعلاً بعد شهرين من إسلامى دخل شهر رمضان المعظم إرتديت يومها الحجاب وذهبت به للجامعة فى الصباح وقابلنى الجميع

بالبرود والتجاهل ..

فى المساء ذهبت لزيارة أمى التى كانت صدمتها لا توصف حتى أنها بدأت تصرخ فى وجهى وبدأت ترمينى بكل ما يقع تحت يدها من أطباق وأكواب و.....

جُرحت يومها فى أكثر من موضع .. كنت أهرب من ضرباتها فأدوس على الزجاج وقطع الخزف المكسور .

أنقذنى أبى من يدها فطردتنى من البيت .. خرجت للشارع والدماء تسيل من وجهى .. لحقنى أبى وحملنى إلى إحدى المستشفيات القريبة .. هناك إتصلت بشريف فجاء مسرعاً ..

موقف والدى من إسلامى كان غريباً لم يرفض ولم يوافق .. قال أنه من البداية ليس واثقاً من وجود إله لكنه كان لا يريد الدخول فى أى صراعات مع أمى فتركها ولم يناقشها ..

ثم قال أنت لك كل الحرية أن تعتنقى ما شئت من الأديان

صدمت من إحداد أبى ورفضه لفكرة الأديان .. على الأقل كنت أظنه مسيحياً .. أقصد أننى كنت أظنه من أهل الكتاب فيمكننى إقناعه بالدخول فى الإسلام ..

عدت إلى بيتى وصورة أمى الغاضبة تحزننى جداً .. إحتضننى شريف وقال لى إنك لا تهدى من أحببت ولكن الله يهدى من يشاء .. كل ما عليك هو أن تدعى لهم بالهداية ..

وحكى لى قصة أبو طالب عم النبي وأول من دافع عنه وكيف ظل يساعده ويحميه من الكفار حتى مات ولكنه مات على الكفر.. فإرتاحت نفسى .. فإن تركت أمرك لله تأتيك الراحة فأترك همك وأمرك لصاحب الأمر ودعه يدبر لك أمرك

- بدأ شريف يقترب من الله معى نتعلم ديننا معاً .. عدنا لشهر العسل مرة أخرى .. قرب بيننا الإسلام .. بدأت أشتري كتيبات صغيرة أوزعها كهديا على تلاميذى فى الجامعة وعلى صديقاتى .

لكن المفاجأة عندما ذهبت لمتابعة الحمل .. طلب منى الطبيب إجراء فحوص وتحليل صورة الدم الكاملة لأنه شك فى أمر ما ..

وتأكدت شكوك الطبيب وهي أنني مصابة باللويميا "سرطان الدم"
كانت المشكلة فى حملى كيف سألد طفلى ..

رفضت الإجهاض ورفضت تناول أى دواء قد يضر بها .. حاول
شريف إقناعى لكنى صممت وعزمت أن أحتفظ بطفلى ورفض
العلاج فتدهورت صحتى ولم أكن أقدر على مغادرة الفراش ..
فلازمت المشفى وتم نقل كمية كبيرة من الدماء لى حتى أستطيع
الوقوف على قدمى .

وهنا صارحنا الأطباء بأننى لن أتمكن من الولادة وأن نهايتى وشيكة
فعزمت على إنتظار الموت وتفرغت لقراءة القرآن والعبادة ..

وكم حمدت الله يومها أنه أنقذنى من الكفر وهدانى للاسلام قبل
موتى وأنه إختار لى أن أدخل الجنة من باب الصبر ..

كان أخى بيتر أقرب صديق لى فى الدنيا .. لم تكن علاقتنا مجرد
علاقة شقيق بشقيقته بل كانت علاقة صداقة وتفاهم وتقارب
روحى ..

كان بيتر يعمل طبيباً .. عندما تأكد من صعوبة حالتى وأن نهايتى
قريبة حصل على أجازة من عمله وقرر مرافقتى والإشراف على
علاجى فى أيامى الأخيرة وإنتقل أبى كذلك للإقامة معى .. أما أمى
فظلت على قسوتها وجمودها حتى أنها لم تزرنى أبداً ولم تلتن أو
تحن أو تعطف على إبنتها المريضة ..

كتبت وصيتى وجاء فيها إذا ولدت إبنتى حية لا يسمح لأمى بحمل
طفلى أو تربيته ..

إنتهى شهر رمضان وشهر شوال جاءنى شريف ومعه أجمل
هدية .. وهى تذاكر الحج ..

كانت فرحتى بهذا الأمر كبيرة جداً .. بكيت حتى خشى شريف أن
أموت من الفرحة .

لا أستطيع أن أصف لكى مقدار سعادتى يا هند عندما رأيت
الكعبة .. هناك تعرفت على أمى الثانية .. ماما سميرة أم هشام هذه
الأم الحنون .. عندما علمت بمرضى إحتضنتنى وكانت معها
مجموعة من السيدات المصريات لم يتركونى لحظة , علمت بأمر

ماء زمزم وقدرته على الشفاء .. كنت أشرب منه حتى الإضطلاع
حتى تشفى ابنتى .. لم يكن يدور فى خلدى اننى قد أشفى لكنى
دعوت الله وأنا متمسكة بأستار الكعبة أن يؤمن على وعلى ابنتى
بالشفاء .

بعد إنتهاء موسم الحج عدنا إلى أمريكا وكنت قد بدأت فى الشهر
التاسع وأشعر بالتحسن والقدرة على الحركة فطلبت من شريف أن
أدخل المستشفى حتى ألد وأنا قوية .

وجاء بيتر وأبى ورافقانى للمستشفى وتم إجراء بعض الفحوص
وهناك عم الذهول الجميع فدمائى صارت نقية لا أثر للسرطان بها
وقد شفيت تماماً حتى أننى غير مصابة بالأنيميا .. تعجب الطبيب
عندما رانى أسجد أنا وشريف لله شكراً وهنا شرح له أبى أننا
مسلمين يومها قال شريف أن ماء زمزم كيماوى ربانى .

كان بيتر فى حالة من الذهول لكنه أشهر إسلامه فى المساء ..
وأسمى نفسه معاذ .

وتزوج فلسطينية تلميذة له .. ووضعت بنوتتى الجميلة هند وعلى
فكرة ماما سميرة جاءت لزيارتنا مرة أخرى وذهب شريف معها
للإطمئنان على هشام عندما كان فى المستشفى .

كانت الدموع تملأ عيني وأنا أستمع إلى قصة نسيبة التى تركتني
وذهبت للإطمئنان على الأولاد .

فى المساء عاد شريف من الخارج يحمل لى خبراً سعيداً قال :

- عندى ليكوا خبر بمليون دولار .

- خير يا شريف !.

خرجت نسيبة من حجرتها ووقفت تسمع الأخبار

- ماما سميرة هتوصل أمريكا بكرا عند شقيقتها إقامة دائمة .

كانت فرحة نسيبة تفوق فرحتى حتى أنها قالت :

- الله أكبر أيوا كدا .. تعرفى يا هند أن هذه السيدة صاحبة أفضال

على .

- عارفة وعلينا كلنا .. فإكر يا شريف .

- فإكر طبعأ طفولتنا اللى قضينها مع هشام وطيببتها والحرية السعادة اللى كانت بتديها لنا وإحنا محرومين منها فى بيتنا .

- الست دى عاشت لإبنها فقط يا نسيبة بعد وفاة زوجها ورفضت تتزوج مرة ثانية وكان أخوها وأختها عايشين هنا فى أمريكا .

برغم جمالها الباقى حتى الآن .

- مهو إنتوا متعرفوش إن أكيد والد هشام كان حنون وجميل زيه وأكيد اللى تتزوجه مستحيل تتزوج غيره .

قالت نسيبة :

- لازم نرتب معاها تقضى معانا الويك إيند كل إسبوع .. هى كانت واعدانى بكدا .

- يلا أعمل إتصالاتك يا شريف .

قال شريف : - إن شاء الله .

الفصل الخامس

العودة من مواعب الراحلين

انتظرت وصول أم هشام بفارغ الصبر .. حمدت الله على وصولها قبل أن تبدأ أيام الدراسة حتى أستطيع الجلوس معها بحرية .

عندما ذهب شريف لإحضارها كنت أتنافس مع نسيبة في إعداد الطعام .. لها لكننى إكتشفت مدى جهلى فى أمور المطبخ أمام تمكُن نسيبة .. حتى من أطعمتنا المصرية .

انتظرتها فى الحديقة .. تشاغلِت بقراءة أحد الكتب فجاءتنى نسيبة مبتسمة وقالت :

- منذ نصف ساعة لم تغيرى الصفحة .. لماذا هذه اللهفة ؟ كأنك ستقابلين حبيبك وليس أمه .

- نعم أنا سألتقى به من خلال أمه وسأتحدث معها عنه و عما قاله لها عنى طوال السنين الماضية .

قالت نسيبة :

- شريف إتصل وقال أنهما سيصلوا بعد ربع ساعة سأتركك لأحضر نفسي ..

كم كانت نسيبة امرأة رائعة تعرف كيف تُسعد زوجها وهو يتفانى فى إسعادها .. كم تمنيت أن أحظى بزواج مثله وبييت هادئ أملاه بحبي .. لكنى رزقت بزواج لم ينسى رفضي له فقرر الإنتقام .. فكرت كثيراً لو أنه سامحنى وقرر فتح صفحة جديدة وعاملنى بالحسنى وإتقى الله فى هل كانت حياتنا الزوجية ستسمر ..

وصل شريف وطنط سميرة للبيت فجريت نحوهم لإستقبالهم ..
عانقتنى طنط سميرة معانقة طويلة وقالت إنها تشم رائحة هشام
وكانها تعانقه .

كانت متعبة وضعيفة فأشفقت عليها كما أشفقت عليها شقيقتها من
العيش بمفردها فى مصر مع ذكريات إبنها الوحيد .

سألتها :

- إزاي تقبل هشام موضوع زواجى .

- ياريت يا بنتى كان موضوع جواز بس لكن هو كان متهم
بالضحك على بنات الناس .. كانت فترة حزينة .. لما إتخطبتى لهانى
ساب البلد وكان بيرجع كل كام يوم يطمئن على ويتابع أخبارك
ويسافر تانى .. وكان فى البلد يوم جوازك وشافك وإنت فى الزفة
وحضر الحفلة من بعيد ورجع يقولى دبحوا هند يا ماما دبحوها بدم
بارد .. هند شافتنى وعينها جت فى عينى ومعرفتنيش

قال شريف :

- هند كان معمول لها غسيل مخ وعلاج بالتنويم المغناطيسى فما
كانتش واعية لأى شئ لدرجة أن الدكتور الكبير إبن الناس عمل لها
دخلة بلدى

- صعقتنى كلمات شريف وحمدت الله أن البنات كانوا فى حجرة
ثانية أكمل شريف :

- ليلتها إكتشفت الجريمة التى ساعدت بابا على إرتكابها وانتبهت
لنفسى وقررت إنى أسيب مصر وأسيب بابا يعيش حياته زى ما هو
عايز

- سألت نسيبة : - يعنى إيه دخلة بلدى .

ظهر الامتعاض على وجه شريف ولم يرد ..

وانكشيت على نفسي .

قالت طنط سميرة :

- دى كانت طريقة قديمة يا بنتى ان العريس يفض غشاء بكاره
عروسته بيده وفى حضور عدد كبير من النساء حتى يتأكد من أنها
عذراء .. وحتى الفلاحين وأولاد البلد بطلوا الطريقة دى من زمان .

تذكرت ما حدث .. لم يكن معنا ليلتها أى نساء ولم يكن مقررأ إجراء
هذا الشئ لكنى فوجئت بهانى يطلب منى خلع ملابسي ويقف وفى
يده جفت عمليات .. لم أفهم ما يريد لكنى كنت متعبة فإستسلمت له
تماماً ولم أشعر إلا به وهو يتصبب عرقاً وينظر ناحيتى بتشفى ثم
يخرج من الحجرة .. وسمعت ضرب النار فى الخارج
والزغاريط ..

جلست نسيبة بجانبى وإحتضنتنى وقد تخيلت المشهد فإقشعر بدنهما ..

أكملت طنط سميرة :

- بعدها سافر هشام وعاش بالكويت وكنت بروح أقضي معاه جزء
من السنة وجزء فى مصر وجزء هنا فى أمريكا وأروح من
رمضان لحد الحج أقضيه عند أختى إالى عايشة فى مكة لحد ما
تعرض هشام للحادثة .

سألته بلهفة :

- لكن إيه الحادثة إالى إتعرض لها هشام ؟

قالت طنط سميرة بألم :

- حادثة عادية كان سائق وسيارته إتقلبت وإتحرقت
- لا يا طنط هشام متحرقش هشام إنضرب بالرصاص وهشام لسه عايش .
- حرام عليكى يا بنتى .
- صدقي إالى بقولهولك أنا شفت هشام من لحظة حدوث الحادثة وحلمت بيه ..
- كل ليلة كنت بشوف الحلم .. هشام عايش وممكن يكون مخطوف .
- كان صوتى مرتفعاً .. حاول شريف تهدتتى لكنى طلبت منه مقابلة أولاد خالته وأخبرته بأن المدفون فى مصر ليس هشام ..
- حاول شريف وزوجته تلطيف الجو ومنعنى شريف من فتح هذا الموضوع مرة أخرى رافئة بأم هشام المريضة ووعدى بأنه سيذهب للسفارة المصرية حتى نسأل عما حدث لهشام ..
- بدأت الدراسة وكم كانت دراستى عسيرة شاقة فلقد نسيت فى سنوات التيه والشتات كثيراً من العلوم فبدأت أدرس من البداية .
- أقضي يومى بين البيت والجامعة وإحدى المستشفيات التى كنت أتدرب بها .. أما بناتى فقد إنسجمن فى الحياة فى أمريكا .
- طلبت من شريف إرسال دعوة لأمى حتى تزورنا وفعلاً جاءت أمى لزيارتنا .. جاءت محملة بالكثير من الأخبار ..
- الخبر الأول :
- زواج هانى من حبيبته الأولى بعد وفاة زوجها المسن ..
- الخبر الثانى :

زيادة الخلافات بين زوجة هانى وأمه دولت هانم التى تركت البيت للزوجة الجديدة .

ثم إكتشاف إصابتها بمبادئ ال زهايمر فأدخلها هانى مصحة نفسية تشبه دار المسنين ..

سبحان الله هذه المرأة كم عايرتتى بمرضي, حتى أنها أتهمتتى بالجنون , وكلما سمعت إسم مرض نفسي جديد قالت إنى مريضة به , ثم تدور بنا الأيام هكذا فتصاب هى بحالة التوهان والتشتت الذهني وأشفى أنا

الخبر الثالث :

زواج أبى من أرملة لم تكمل الثلاثين من عمرها والغريب فى الأمر هو أن أمى ليست غاضبة ولم تعتبر ذلك خيانة لها ,فقد كنت دوماً بعيدة عن بيتنا فلم أفهم أبداً طبيعة العلاقة بين أمى وأبى .
كان بيت شريف مكون من طابقين والبدروم يسكن به أسرة شريف وأنا وبناتى وإنضمت الينا أمى .. وطنط سميرة التى كانت تقريباً مقيمة معنا معظم الوقت .

كانت نسبية تقوم بدور الداعية والقودة التى تعلمنا وتوجهنا .. حتى بناتى أصبحن مواظبات على الصلاة .

أنام ليلاً فأرى هشام يقف بجوار بعض الخيول العربية مبتسماً لى ..أظل أتأمله ويرانى وكأن بيننا حاجز ما يفصل عالمى عن عالمه . حتى توقظنى نسبية لصلاة الفجر .. فوجود نسبية فى حياتنا كان نعمة كبيرة فهى طاقة أمل ونور رزقنى الله بها .

كنت غارقة فى قراءة أحد الأبحاث حتى دخل شريف حجرتى وجلس صامتاً .. إلتفت إليه وسألته :

- مالك يا شريف ؟

قال :

- إنتى لسه واثقه إن هشام عايش ؟

- أيوا طبعا ليه إيه اللى حصل ؟

- حاجه غريبة .

- إيه إتكلم ؟.

- كلنا عارفين إن هشام مقطوع صباع إيدته اليمين الصغير .

- أيوه فعلاً إتقطع وإحنا صغيرين لما كان بيلعب

قاطعنى قائلاً :

- الجثة اللى فى البلد كل صوابعها سليمة .

- مين قالك ؟

- ولاد عمه لما كانوا بيدفنوه فى البلد لاحظوا ده

- ومتكلموش ليه ؟

- متكلموش إلا بعد الدفن بمدة وواحد منهم بعت لعادل هاشم ابن

خالته بيقول إن هشام جاله فى المنام بيقوله :

وصل بهاء لبلده وكل ليلة يحلم نفس اللحم .

- إنت عارفه إن هشام ترك أموال كتيرة فى البنك وكان عنده أرض

فى البلد وبيت وملكش غير أمه وعمه وولاده هما اللى هيورثوه

ويهمهم إنهم يثبتوا موته ودفنه .

- وطنط سميرة مشافتوش ؟

- لا طبعا مشافتوش لإن الجثة كانت مشوهة فخافوا عليها .. عادل
قرر يطالب بفتح القبر والكشف على الجثة وبيحثوا عن جثة هشام
فى الكويت .

حتى لما كان موضوع على أجهزة التنفس , ورحنا زريناه مكانش
مسموح بالإقتراب من الجثة , علشان التعقيم , كنا بنشوفه من ورا
زجاج العناية المركزة .

- هشام عايش إبحثوا عن هشام مش عن جثته هشام عايش فى مكان
فيه خيول ..

هشام حلق شنبه الأيام دى وعنده ضرر مخلوع لما بيبتسم ببيان
لكن لسه وسيم وجميل زى ما هو .

وقف شريف وقبل راسي ثم خرج .. فخرجت خلفه قائله:

- شريف او عدنى تساعدهم وتدور على هشام .

- حاضر والله هدور عليه وأرجعهولك .

- حاجه كمان ممكن أقابل عادل هاشم قبل ما يسافر .

- هو زمانه ركب الطائرة لما يرجع هخليكى تقابليه .

لكن كيف سيمر الوقت حتى يرجع ؟ وكيف أستطيع السيطرة على
دقات قلبي ؟ أكثر من ذلك كيف سأتنفس ؟ .. لم أكمل البحث الذى
كنت أقرأه ونزلت لأمى وجدتها تقرأ وردها الذى أصبحت تحرص
عليه ..

جلست بجانبها حتى أغلقت المصحف ..

- ماما .

- مالك يا بنتى انت وشك أحمر قوى .

- خايفه يا ماما .

- من ايه يا حبيبتي ؟

- مش عارفه .

- إحكى لى يا ماما إزاي تقبلتى فكرة إن بابا يتجوز عليكى بعد
العمر ده كله ؟.

- يا بنتى أبوكى صورة من هانى .. أبوكى ابن عمى كل هدفه فى
الحياة إنه ينجح وإنه يجمع فلوس وإنكم تتفوقوا فى دراستكم علشان
كدا كان بيلوم شريف لأنه كان مهمل فى مذاكرته .

- كنت بحس إن شريف بيكرهنى .

- وإنتم صغيرين كان شريف بيغار منك فبيز علك دائماً .

- كنت بشوف زعيق بابا لشريف فبخاف فكنت بقعد أذاكر .. كل
وقتى للمذاكرة لكن شريف كان بيتمرد وينجح بمجموع قليل برغم
إنه ذكى .. دائماً كان بابا يقوله ذاكر مش مكسوف على دمك ..
أختك الصغيرة أشطر منك .

أوحش شئ إن الأب أو الأم يعملوا مقارنة بين الإخوات تربوياً ده
شئ غلط جداً لإن المسألة بتكون قدرات وميول .

- وإيه هيعرف أبوكى بالتربية .. هو برغم إنه متعلم لكن كان زى
البلدوزر بيغضب من أتفه شئ وأفسد العلاقة بينك وبين اخوكى .

- وكان هشام حنين فكان بيعوضنى عن حب شريف وحب بابا .

- سميرة أمه كانت بنت خالتى وصحبتى الوحيدة وكنت بغير من
حبها لجوزها وحبها لها .. إتجوزا جواز تقليدى زينا لكن هو كان

حنين أوى وراجل أوى .. قدر يخليها تحبه وتتعلق بيه وقدر يسعدها
لكن أبوكى ...

- بابا طول عمره بيعاملك بإحترام .

- صحيح بيحترمنى لكن مكانش بيحبنى ولا بيفكر فىا .. شغله هو
الأهم .. تعرفى إنه إتقدم لسميرة بعد وفاة جوزها لكنها رفضته .

- ليه بابا فكر يتجوزها ؟

- لأنه كان عايز يخلف أولاد تانيين لكنها رفضته ورفضت كل إالى
إتقدم لها .. قالت إننا بنتجوز فى الجنة آخر أزواجنا فى الدنيا وكان
كل همها إن ربنا يجمعها بزوجها فى الجنة .

- ياه للدرجه دى كانت بتحبه .

- وأكثر يا بنتى الحياة بينى وبين أبوكى كانت فاترة من أول يوم
كأننا شركاء فى شركة حدد لى مهمتى إنه يلاقى بيت هادى ومريح
وأولاد ناجحين وهو هيوافر لى الحياة الكريمة إالى بتمناها .

- وده إالى حصل ليه يتجوز تانى !

- جه عليه وقت حس إن العمر إتسرق منه ..

- ده إالى بيسموه أزمة منتصف العمر .

ضحكت قائلة :

- دى أزمة آخر العمر .

- طيب وإنت يا ماما ؟

- أنا يابنتى فرحت إنه قرر يتجوز وفرحت انى سبته وبعدت عنه ..
أنا كنت سلبية طول عمرى كنت بستقبل كل شئ منه .. إنفعالاته

وأفكاره وماشيه فى ضله لحد ما لاحظت حبك إنت وهشام لبعض
وإن هشام إتقدم لك كنت خايفه عليكى لأن أبوكى هيرفض .

- يومها سكتى خالص .

- أيوا سكت .. تعرفى إنى إتمنيت إن أبوكى كان إتجوز سميرة لإنها
كانت هتقنعه بجوازكم .

- للدرجة دى .

- أيوه واليوم ده كانت أول مرة أقف قدام نفسي وأسألها أنا إيه
لازمتى ليكم .. إيه دورى فى حياتكم .. إزاي مقدرش أدافع عنك ..
إزاي أقف ساكته وأنا شايفه أبوكى بيجوزك غصب عنك؟؟؟؟....
سكت طول عمرى وهو بيحرمك من طفولتك .. حياتك كلها مذاكرة
طول الصيف وطول الشتا .. ويشترى لك لبس شكله غريب علشان
ميكونش حد لابس زيك .

- النضارة إالى لبسها لى طول عمرى رغم إن نظرى سليم ممنوع
أمشي مع زميلاتي للمدرسة

- حاجات كثير يا بنتى سكت وداريت لحد يوم ما جت سميرة تطالبك
لهشام وإزاي طردها من البيت كأنه بيرد لها القلم لأنها رفضته ..
وبرضة سكت .. وكان مطلوب منى كمان أظهر موافقتى وإنى بأيده
فى كلامه وبتعصب ليه وأحاول أقنعكم بقرارات أبوكم
وإلا كان يبقي يا ويلي .

فضلت أسكت لحد يوم جوزاك اليوم ده إتمنيت إنى أموت لأنى زى
قلتى فى الدنيا .. رحى لأبوكى وبوست إيده ورجله وجاله شريف
قال يا بابا خلاص هشام إنتهت علاقته بيها ممكن ترفض تجوزها

لحد هي موافقه عليها لكن حرام نغصبها تتجوز واحد هي رافضاه ..
لكنه صمم على تجوزيك لهاني علشان الإشعاع إالى هاني طلعتها .

- من فضلك إهدى يا ماما .

- يا بنتى بعد اليوم ده إتغيرت حياتى تماماً, إنتى إتحولتى لإنسان
ألى مبقاش فيكى روح ولا مشاعر .. أروح أزورك وأرجع حزينة ..
هو ده منظر عروسة .

- كنت بتسألينى عامله إيه يا بنتى أقولك مش عارفه ومش حاسه
بأى شئ .. لا فرحانه ولا زعلانه .. عارفه ليه يا أمى ؟

- ليه ؟

- لأنى كنت شبح .. مومياء .. جثة .. هى الجثث بتحس ! أهو أنا
مكنتش بحس .

- أنا كمان من يوم دخلتك نزلت ستارة من الصخر بينى وبين أبوكى
.. نقلت هدومى وحاجتى لأوضتك وقررت أعيش فيها .

- وبابا يا ماما مكانش زعلان علشانى ؟

- تصدقى إنه كان حزين وبيتقطع علشانك .. وخصوصاً لما يسمع
إن هانى بيزور نيرمين حبيبته وإن علاقته بيها مستمرة رغم إنها
متجوزة .

- وكمان هانى كان ليه علاقات تانية بأكثر من واحده .

- كان بيزعل وأحس إنه ندمان لكنه كان بيكابر ومبيعترفش بغلظه
أبداً .

- وإنتوا كملتوا مع بعض إزاي وعشتوا من اليوم ده ؟

- بقي لكل واحد فينا حياة مستقلة .. وبعد كام شهر شريف هاجر
أمريكا بعدها حوالى سنة جالى خبر إن أبوكى بيموت فى المستشفى
وقالى الدكتور إنه بيموت .

- أه قصدك لما افكروا إن عنده جلطة فى القلب وأكتشفوا بعدها إن
عنده فتق فى الحجاب الحاجز ؟

- أيوا يا بنتى فى اليوم ده .

- ده كان يوم مرعب كنت خايفه على بابا أوى برغم كل إللى عمله
فيا لكنه أبويا .

- تعرفى يا هند إن اليوم ده شفت نفسى فى صورة تانية خالص ..
بدأت أفكر هو ليه أنا مش حزينة وليه مش خايفه ولا قلقانه عليه ..
عرفت إن أبوكى قتل كل شئ حلو بينى وبينه وإنه بقي إنسان عادى
جداً بالنسبة لى .

- ياه للدرجة دى يا ماما .

- أيوا يا بنتى ولما رجع البيت وسألنى ليه مزرتوش فى المستشفى
قلت له لإنى محبيتش ازورك .. سألنى ليه ؟ قلت له لإنى إتمنيت
إنك تموت وكنت هفرح بموتك ..

مع إنى مش هقدر أعيش من غيرك .. لأن حياتى إرتبطت بياك من
عمر 18 سنة وماليش حياة بعيد عنك .. لكن تمنيت موتك .

- ورد عليكى قالك إيه ؟

- قال لو كان ينفع اطلقك كنت طلقتك بس إنتى بنت عمى وأم
أولادى .

قلت له إعتبرنى مطلقة وإتعامل معايا بناء على كدا .

ومن يومها عشنا زى الأعراب لحد لما رجعتى تعيشي معانا ولما
إنتى إطلقتي وسافرتى بدأت مراته ترمى شباكها عليه علشان عايزة
تعيش فى العز هى بنت ناس على قدهم بدأت تزورنا فى البيت قال
إيه!! هو عايز يكتب مذكراته وهى بتكتبها له على الأله الكاتبة .

ريحة البيرفيوم بتاعتها كانت بتملاً البيت وكانت بتحط المكياج على
وشها زى البلياتشو متخيلتش إن أبوكى ممكن يبص على واحده زى
دى فكنت بتفرج عليهم وأضحك فى سرى .

سنة كاملة بتجرى وراه .. تقرب منه .. وتمسح فيه زى القطة .

- غريبة أوى يا ماما .

- ولا غريبة ولا حاجة هو فى الأول وفى الآخر راجل كان عايز
ست تاخذ بالها منه .

- هى داخله على طمع على كدا .

- أبوكى كتب كل شئ بإسمك إنت وأخوكى وبإسمى أنا كمان يعنى
هى نقبها على شونة .

- ليه كدا يا ماما إحنا مش عايزين حاجه .

- ده حقكم .. هو لما جه صارحنى وقال إنه هيتجوزها قلت له إضمن
حقوق ولادك قال إنه هيعيش معاها على معاشه والجنية اللى فى
البلد وكل الأرض الباقية والمصنع ده بإسمكم .

تعرفى إنه كان عارف إنها طمعانه فيه وعارف كمان إنها عايزة
تعيش وده من حقها .

طبعاً لأنها إتطلقت من زوجها الأولانى علشان فقير وراحت عملت
عملية أجهاض وبسبب العملية شالت الرحم وبقت غير قادرة على
الإنجاب .

كان شرطى إنى أجي أعيش معاكم هنا .

قبلت يد أمى وقلت :

- ربنا ميحر مناش منك يا ماما .

- تعرفى أنا جيت هنا ليه كمان ؟

- ليه يا ماما ؟

- علشان أقرب من بناتك وأرتبط بيهم وأربيهم لك لما تتجوزى .

- أنا اتجوز ؟

- أيوا يا بنتى تتجوزى إنتى أصلك متجوزتيش قبل كدا ولا فرحتى
يا حبيبتى .

- أنا هتجوز يا ماما هتجوز هشام .

- هشام ربنا يرحمه .

- هشام عايش يا ماما .

- يا بنتى شريف حكالى على كل حاجه ومش معنى إنه اللى إندفن
فى البلد مش هو إن هشام عايش لأنه لو عايش طيب ليه مظهرش
بقاله سنتين .

- أنا عايشة على أمل إنه عايش .

- أنا خايفه عليكى .. خايفة يحصل لك إنتكاسة تانية .

- متخافيش يا ماما أنا واثقة إنه عايش وإنه هيرجع لى بالسلامة
وإنه مسامحنى .

- يابنتى خايفه عليكى معرفش ليه شريف حكاالك و عيشك فى
الأمل .

- متخافيش .

تركت أمى ودخلت حجرة نسيبة كانت تعلم ما أعانيها فقالت :

- الإنتظار مؤلم أليس كذلك .

- جداً جداً .

- طيب أنت لن تستطيعى المذاكرة .. عندى لكى حل جميل .

إبتسمت من لغتها الفصحى التى تتقنها يوماً عن يوم حتى جعلتنا
نحاول مجارتها فى التحدث بها

- إيه هو الحل ؟

- برنامج عبادة .. قررت أقوم به ما رأيك أن نفعله سوياً خميس
وجمعة وسبت يوافق الثلاث الأيام من أول شهر المحرم .

- طيب هنعمل إيه ؟

- صيام بالنهار قيام الليل بالليل مع عمل ختمة قرآن وطوال اليوم
ذكر وتسبيح نتضرع الى الله .. أمى سميرة ستأتى وتنضم إلينا
ونجلس جميعاً نتضرع الى الله أن يعيد لنا هشام أو يخبرنا الحقيقة .

إحتضنت نسيبة .. كنت سعيدة بها سعادة بلا حدود وحاولت التحدث
بالفصحى مثلها ..

- فكرتك عبقرية نعم أنا معك طبعاً وأمي ستتنضم إلينا .

- إذن سأذهب للمطبخ وأقوم بتجهيز بعض الأطعمة للسحور .

ألقيت لها قبلة على الهواء فخرجت سعيدة ..

مرت الأيام الثلاثة فى حالة من الهدوء والإستقرار والراحة النفسية سلمنا أمرنا لله ..

قمت بفرش إحدى الحجرات بالموكيت وساعدنى شريف على إخلاءها من الأثاث وفرشها وحولناها لمسجد وقررنا الإعتكاف بها .

بعد الإفطار يوم السبت جاءنا عادل هاشم ابن خالة هشام ..

جلس عادل فى الصالون مع شريف وطنط سميرة .. لم أستطع التحمل فدخلت بلا استئذان وطلبت أن أجلس معهم .

قال عادل :

- أهلاً بكى يا دكتورة أنا عارف طبعاً حكايتك مع هشام وعارف إن إنتى طرف فى الموضوع ولازم تسمعى إالى هحكيه .

لم أحتمل هدوء عادل فقلت بإنفعال :

- إتفضل بدون مقدمات إحكى .

نظر لى شريف معاتباً وإبتسمت طنط سميرة التى كان شوقها الى سماع الأخبار أضعاف ما أشعر به ..

قال عادل :

- إالى حصل وإلى عرفته إن هشام كان بيشتغل فى شركة للبتروكيماويات والشركة دى ليها مجموعة من الفروع فى كل دول

الخليج كان هشام المدير المالى لفرع الشركة فى الكويت .. إكتشف قضية فساد ورشوة كبيرة فهدد بكشفها فما كان من رئيسه المختلس إلا مطاردته ومحاولة قتله .. وتم إنقاذه ونقله من المستشفى عن طريق أحد زملاءه من العاملين فى الشركة الى مكان لا يعلمه أحد .

- يعنى إيه ؟

- يعنى إالى مدفون فى البلد مش هشام وإن هشام خرج من المستشفى حى يرزق ولكن إصابته حالة غيبوبة ومحدث عارف هو عايش أم لا.. ولو هو عايش برضه محدش عارف هو فين .

لم تتحمل طنط سميرة الخبر .. طلب شريف لها الإسعاف .. لم أستطع إسعافها لأن حالتى لم تكن تقل عن حالتها ..

رافقت أمى خالتى سميرة فى المستشفى وتولت نسيبة أمر الأطفال جميعهم وتفرغت إنا للتفكير فجلست أتأمل حال هشام .. أخبرت عادل أن هشام لا يزال على قيد الحياة وأنه يعيش فى مزرعة خيول .

قال عادل أنه قام بتكليف محقق بوليس بريطانى للبحث عن هشام وأنه سيبلغه بأمر أسنانه المخلوطة ووزنه الزائد وشنبه المحلوق ومزرعة الخيول .

قلت له :

- لكنى لم أحكى لك عن وزنه الزيادة !

قال :

- أنا أيضاً أحلم بهشام وخالتى سميرة تحكى لى أنها رأت هشام ممدد على سرير جراحة وكانت تجرى له إحدى الجراحات

قمنا بنشر صور هشام ورصدنا مكافأة كبيرة لمن يرشدنا عن مكانه وبدأ البحث عنه عن طريق البوليس الدولى واكتشف فعلاً أن الجثة التى دفنت فى بلدتنا كانت لشاب مصرى من الصعيد احترقت به السيارة فقام الشخص الذى أنقذ هشام بإستبدال بيانات الحالتين حتى يقطع علي القاتل أى أثر للبحث عن هشام .

طبعاً كان هدفه نبيل وهو إنقاذ هشام من الموت وكذلك إبقاءه على قيد الحياة حتى يستطيع إثبات براءته فقد وجه له رئيسه كل التهم .

لكن أين هشام ???

بعد أسبوع من البحث والتحرى سافر عادل دون أن يخبر أحداً وعند عودته وعندما سمح له بإستعمال هاتفه فى الطائرة كان الفجر يؤذن .. سمعنا رنين الهاتف ..

جريت لأرد عليه فسبقنى شريف ..

علمت أنه يحدث عادل وأنه بالطائرة ومعه هشام ويريد أن يذهب شريف للمطار لإستقبالهم .. سقطت مغشياً على ..

وعندما أفقت وجدت هشام بجانبى بحجمه الضخم وأسنانه المخلووعه وشنبه الحليق وشعره الذى إمتلأ بالشيب وإبتسامته المتحيرة وعيناه الطيبة .. كان هشام بجانبى لكنه لا يعرفنى .. لا يعرف من أنا .. فقد خرج من غيبوبته فاقداً للذاكرة .

دقائق طويلة لم نتحدث فيها .. دقائق طويلة مرت علينا وأنا أتأمل ملامحه الطيبة .. كان يشعر أننى شخصاً مهم بالنسبة له .. رأى المحاليل المعلقة بيدي فنظر لى بإشفاق ..

- إنت تعرف أنا مين ؟

- إنتى مراتى إسمك هند مش كدا ؟

- أيوه هند يا هشام لكن مين قالك إني مراتك ؟

- حاسس بكدا .. كمان كنت بحلم بيكى دائماً كنت بشوفك وأكلمك
وصورتك إنت وواحدة ست تانية أعتقد إنها أمى كنتوا مبتفارقونيش
فى الأحلام فأكيد إنتى زوجتى .

- لا أنا خطيبتك وحبيبتك لسه مبقيتش زوجتك .

قال هشام :

- يا عادل هات لنا المأذون علشان نتجوز .

رد شريف :

- عادل راح المستشفى يجيب والدتك .

- طيب لما ييجى نتجوز .

- ثانياً أنا شريف أخو هند وإلى كنت السبب فى إنكم متجوزتوش
أتمنى إنك تسامحنى .

قال هشام :

- ولسه ناوى تكون السبب فى عدم زواجنا .

- لا يا عم توبة أنا إن كان عليه مستعد أجوزكم حالا لكن فى حاجات
كثير تمنع زواجكم .

قمت من الفراش ونزعت الكنيونه من يدي وصرخت قائلة :

- إيه هى الموانع دى ؟

- أولاً هشام فى نظر القانون ميت لازم حُكم محكمة لإثبات إنه
حى .. وإطمنوا الموضوع ميباخدش وقت كبير .

ثانياً إحنأ فى أمركا ومفكش مأنون .. لازم نروح كلنا مصر نخرج
الجنة المدفونة هناك ونجب حكم المحكمة ونعمل لكم فرح كبر .

الفصل السادس

السعادة والاستقرار

فى الطائرة المتوجهة الى مصر جلس هشام بينى وبين والدته وكان يحاول استعادة ذكرياته ببطء شديد ..

فى المطار وجدت والدى بانتظارنا حمل هشام الصغير ابن شريف ورحب بزوجته .. كان أبى حزينا وحيدا ضعيفا .. تأثرت أمى حين رأته يبكى وهو يحتضننا .

عندما وصلنا البلدة إستقبلنا عم هشام وأولاده بالمزمار الجميل ورحبوا بهشام لدرجة أنهم أنزلوه من السيارة وركب على حصان أبيض مُزين حتى البيت .. وسار هشام أمامنا بحصانه

- أمام البيت نزل هشام وأمه ودخلوا بيتهم وعدنا جميعاً الى بيتنا الذى أصبح كالخرابة ..

علمت من إحدى الشغالات أن زوجة أبى الصغيرة عندما علمت أن أبى لا يملك إلا معاشه وبعض الإيراد القليل طلبت الطلاق وسرقت كل ما وقع تحت يدها من أثاث وذهب .

تعاون أبناء عم هشام حتى أثبتوا وجوده على قيد الحياة وتحدد موعد زفافنا .

لم تكن الذاكرة قد عادت لهشام لكنه كان سعيداً وفرحاً .. ظل يرقص بالحصان .. قال أنه عاش بعد أن أفاق من الغيبوبة .. عاش فى مزرعة للخيل العربية ولم يخبره صديقه بهويته الحقيقية خشية أن يُقتل .

إستيقظت يوم الزفاف فشعرت أن قلبي لا يكفى كل ما أشعر به من
سعادة .

جاءتنى نسيبة لتوقظنى قائلة هيا أيتها العروسة الكسولة وراءنا عمل
كبير .

كانت السعادة تدغدغ حواسي وكأننى أتزوج للمرة الأولى .. وجدت
عفاف وبعض قريباتى فى صالة البيت جالسات مع أمى .. عندما
خرجت لهن إستقبلننى بالزغاريط .

مع آذان العصر تم عقد القران بالمسجد .. نظرت من الشيش الذى
يفصل مكان النساء عن مكان الرجال فرأيت أبى وهو يحتضن هشام
قبل عقد القران ويضع يده بيده .. خفق قلبي بشده عندما سمعت
الجميع يباركوا لى .

صمم أبى على أن يُقام لى فرح كبير .. كنت أرتدى فستان أبيض
جميل وبناتى وهند الصغيرة يرتدين فساتين بيضاء ويجلسون أمامى
.

رأيت هانى من بعيد ينظر على الكوشة الجميلة التى أجلس بها ثم
ينصرف .. فأمسكت يد هشام بشده فهمس لى .. بحبك .

قال :

- تعرفى .. أنا رفضت أتزوج عندما عرض على صديقى أن
يزوجنى .. رفضت وأخبرته أنى متزوج وزوجتى فى إنتظارى
بمصر .

- كانت زوجتك منتظراك فى أمريكا .

- إنت عاجبك الفرح ؟

- بتسأل ليه ؟

- لإنى عايز أخطفك ونجری من هنا .

صعدت طنط سميرة وماما ووقفوا بجانبنا فقال هشام :

- أنا عايز أأخذ مراتى وأجرى من هنا .

فنادت أمى على شريف وقالت :

- هشام عايز ياخذ هند ويروح بيته .

قال شريف :

- إحنا هنتحرك من هنا بعد ساعتين على المطار

- أنا ومراتى عندنا شغل و هند وبناتها عندهم دراسة .. طيب هى

هند هتسافر بالافستان ده ؟

- زى ما تحب .

- إحنا هنروح نغير هدومنا لحد معاد الطائرة . وفعلاً أخذنى هشام

من يدى ودخلنا إحدى الحجرات لتغيير ملابسنا .. بعد ساعتين

خرجنا وكانت السيارات فى إنتظارنا لكننا لم نجد ايمى ودنيا ..

بحثنا عنهما فى كل مكان ولم نجدهم علمت أن هانى لن يتركنا نهناً

بالعيش .. إختفى هشام أيضاً ثم عاد هو وشريف بعد قليل يحمل

ايمى وشريف يحمل دنيا .

- البنات كانوا فين وإيه إالى حصل ؟

قال شريف :

- أبداً يا ستى أتارى غندور أخذ البنات ووداهم البيت لمراته .

والهانم لما شافتنى أنا وهشام قالت تعالوا خدوا بناتكم أمهم أولى بيهم
أنا مش هربي بنات غيرى فجبناهم وجينا .

قال هشام :

- المشكلة إن الطائرة فاتتنا وهركب الطائرة إالى بعد 12 ساعة من
الآن .

قال شريف :

- عموماً هنسافر ونرتاح فى فندق المطار لحد معاد السفر .

- انتى جاهزة يا أمى ؟

قالت طنط سميرة : - جاهزة يا حبيبي .

قال شريف لماما ..

- وإنت يا ماما ؟

- لا يا إبنى أنا مش هسيب أبوك هنا لوحده .. هنطلع عمرة بعد
أسبوعين من الآن ونرجع تانى على هنا وبعدين هنبقى نيجى
نزوركم .

نظر أبى لأمى بإمتنان ..

قالت طنط سميرة :

- أصيلة والله يا أم شريف ربنا يخليكم لبعض .

- البركة فيكى يا أم هشام تاخدى بالك من هند وبناتها وهشام .

- دول فى عينية .

قال أبى :

- لكن إنتم هتفضلوا عايشين فى أمريكا على طول ؟

- إن شاء الله هنرجع تانى يا عمى أول ما هند تاخذ الدكتوراه إحنا منقدرش نعيش بعيد عن مصر .. ولحد ده ما يحصل هحاول أستعيد حياتى وذاكرتى وأشوف هعمل إيه فى حياتى الجديده .

الفصل السابع

أرض الأحلام

وصلنا أمريكا للمرة الثانية لكن هذه المرة أصبح الوضع مختلفاً ..
فقد تزوجت بمن أحب وتصحبنى بناتى وصارت علاقتى بشقيقتى
كما أتمنى .. وأصبح لى صديقة قريبة من نفسى هى نسيبة وترافقتى
ماما سميرة أروع أم فى الدنيا .

وتركت أمى سميحة برفقة أبى حتى لا يكون بمفرده .. أتمنى أن
يستطيعا التعايش معاً وإستعادة جو السلام النفسى .. إستقبلنا عادل
فى المطار .

بعد أن رحب بنا قال مبتسماً :

- أتمنى تحلوا عنى وتسيبوني .. أنا معزوم فى مشاكلم بس لكن فى
أفرحكم ولا إفتكرتونى .

سميرة :

- إزاي يا إبنى صحيح أنا مخلفتش غير هشام لكن ربنا يعلم إن
غلاوتك متقلش عنه .

تنحش شريف وقال :

- ماشي يا ماما بقى هى الحكاية كدا .

إبتسمت وقالت :

- والله يا شريف إنت كمان إبنى ونسيبة وهند كلكم ولادى إالى بفرح
بفرحكم وأحزن لحزنكم ولولاكم كنت مت فلما حصلت لهشام
مشاكلة . إلتف الجميع حولى ..

قال شريف :

- يا عادل بما إنك السواق الخصوصي بتاعنا شوف لنا عربية تانية
علشان العربية دي مش هتكفيننا ويلا بينا على البيت .

عادل :

- أولاً- هشام و هند وماما والبنات هيروحوا شقتهم الجديدة .

قلت لعادل :

- شقة إيه ؟

قال هشام :

- أنا طلبت من عادل يشوف لنا شقة نقعد فيها مؤقتاً علشان نكون
على راحتنا لحد ما نشوف هنستقر إزاي .

- وليه مقولتليش ؟

- حبيت أعملها لك مفاجأة .

عادل :

- ولسه باقى المفاجئات .. الشقة قريبة من شغلك ومن مدرسة
البنات و هتعجبك يا دكتورة جداً .

شريف :

- يا هشام إنت عارف إن بيتنا كبير وإحنا إتعودنا على وجود هند
والبنات عندنا وإنت مش غريب .

- عارف والله يا شريف لكن معلى خليلينى على راحتى وعلشان
زوجتك كمان تكون على راحتها .

عادل :

- إيه هفضل نتكلم كدا كتير .. يلا بينا أوريكم الشقة .. أنا عندي شغل ومش فاضي لكم .

ركبنا سيارة عادل وركب شريف وزوجته وأولاده تاكسي وذهبنا لرؤية الشقة الجديدة .

كانت الشقة ينقصها أشياء كثيرة لذا أخذ شريف ماما والبنات لبيته وتركنى مع هشام قائلاً :

- جهز بيتك براحتك يا معلم ولما تستعدوا تعالوا خدوا ماما والبنات .

ثم غمز له بعينه .. فاهمنى ;)

- أبوه فاهمك .

شعرت بالخجل عندما فهمت مقصد شريف .. تركونا جميعاً .

دخلت حجرة النوم وحاولت تغيير ملابسى لكنى توقفت عندما طرق هشام الباب ..

قال هشام :

- بتعملى إيه ؟

- هغير هدومى .

- لا إستنى إحنا هننزل تانى .

- هنروح فين ؟

- هنروح نقضى أسبوع عسل فى شلالات نياجرا .. مش نفسك

نروح هناك ؟

- بس مقلناش لحد .

- ونقولهم ليه ؟

- جايز بيجوا يزورونا أو البنات يحتاجونى .

- شريف عارف وهو وعادل إالى رتبوا الموضوع ومحبيناش نقول قدام البنات انت عارفه علشان الإحراج .

- يعنى هنعمل إيه ؟

- هاتى الشنطة الصغيرة هنحط فيها شوية حاجات ونعيش لنا يومين قبل ما تنشغلى عنى بالدراسة وبأمى وبالبنات .

ركبنا السيارة التى إنطلقت بنا فى رحلة الأحلام .. كم كنت سعيدة حين أمسك هشام بيدي فوضعت رأسي على كتفه وشعرت معه بالأمان وبالحب .. مر أسبوع العسل سريعاً وعند عودتنا كانت أحلى مفاجأة أن وجدنا الجميع فى إنتظارنا داخل الشقة .

وقد وضعت حماتي والبنات أشياءهم الخاصة فى حجراتهم وقاموا بفرش حجرتى وفرشت لى البنات السرير بالزهور الحمراء .

أما نسبية فقد ملأت لى الثلاجة والفريزر بكل لوازم الطعام الذى سنحتاجه .

كانت أجمل مفاجأة إستقبلنا بها الجميع فما أحلى الحياة مع من نحب .

أما مفاجأة عادل فكانت تدبير عمل مؤقت لهشام كمحاسب فى مكتب أحد أصدقاءه حتى لا يشعر بالفراغ وأنه بدون عمل .

وفعلاً كانت هذه المشكلة هى أهم مشكلات هشام لأننا جميعاً من الغد سنتوجه لأعمالنا وسيبقى هو بدون عمل .

المشكلة الثانية كانت المال .. فقد رفض هشام أن يأخذ أى مليم من أموالى الخاصة فكان يعتمد على ما معه من مال فى إنتظار أن يرسل له أولاد عمه المبالغ التى كانت فى حسابه فى البنك لأنهم سحبوا هذه الاموال وقاموا بشراء أراض زراعية بها .

وعندما علموا أنه لا يزال على قيد الحياة تركوا له الأرض .. لكنه طلب منهم بيعها لأنه سيحتاج للمال .

فطلبوا منه مهلة حتى يرسلوا له ثمن الأرض ويشتروها هم .

كنت أعرف طبيعة هشام لذا لم أضغط عليه حتى ينفق من أموالى .. ولكنى كنت أشترى بعض ما يحتاجه البيت دون أن يشعر وكانت ماما تساعدنى فى ذلك .

عندما جاءت أمى وأبى لزيارتنا كنت حامل فى الشهر الثالث وكم كانت فرحتهم كبيرة بذلك الحمل برغم قلقلى أنا وهشام لأننى اقتربت من الأربعين وهشام أكبر منى فقالت أمى :

- بكرة ايمى ودنيا يتجوزوا والمولود الجديد يبقي معاكى علشان متحشيش بالوحدة .. البنات يا حبيبتى مكانهم خالى .

- يعنى إيه ؟

قالت ماما سميرة :

- يعنى البنت مالهاش إلا بيتها وزوجها .. وكمان أنا نفسى أفرح بأولاد هشام .

بقيت أمى معنا وعاد أبى إلى مصر .. لقد تغير أبى وصار شخصاً آخر .. أخرج ما بداخله من الحب والعطف وغمرنا به .

لقد أشفقنا عليه من الوحدة لكنه أصر أن تبقي أمى بجانبى حتى ألد .

فى حجره أمدى سألتهآ عن علاقتها الجديدة بأبى قالت :

- أبوكى إتغير جداً يا هند .. الراجل ده شخص مختلف تمام عن أبوكى إالى إتجوزته من خمسة وأربعين سنة .. بقى حنين ومرح بيحاول بكل طريقة يسعدنى .

- ربنا يسعدك يا أمدى .

- وإنتى عامله إيه مع هشام ؟

- ااه يا أمدى غرقانه فى بحر من السعادة .. ولولا متاعب الحمل وصعوبة الدراسة كنت حسيت إنى فى الجنة .

- ربنا يعينك يا بنتى .

- لكن هشام كتير بحس إنه قلقان وحزين .. نفسه ترجع له الذاكرة وخايف لما ذاكرته ترجع ينسى الأيام دى .. علشان كده إشتري كاميرة الفيديو اللى معاه وإبتدى يصور لنا كل لحظة فى حياتنا .

- يا خوفى للكاميرا دى تضيع أو تتسرق .

- لا متخافيش هو عامل لها باسوورد محدش يعرفه غيره وكمان مبنسجلش بيها إلا اللحظات اللى بنكون فيها مع بعض كلنا .. فاهمه يعنى بنكون لابسين هدمنا كلها .

ضحكت أمدى وقالت : - ربنا يسعدكم يا بنتى .

مرت الأيام بنا حتى إقترب موعد الولادة .. قررت تأجيل بعض إختباراتى حتى ألد .

إستيقظت من النوم على الجلبة التى تثيرها الفتاتين قبل ذهابهم للمدرسة .. أيقظت هشام بقبلة على خده .. ضمنى لصدره وقال :

- أنا كنت صاحى لكن كنت مستنى البوسة دى أبدأ بيها يومى .

ثم ضمنى لصدرة وقال :

- الحزن ده هو بيتى يا هند وخايف أخسره مره تانيه .

- متخافش يا حبيبي ربنا هيجمعنا مع بعض دايماً .

قولى برنامجك إيه ؟

- مفيش الشغل بس وانت ؟

- متنساش معاد زيارة الدكتورة النهارده هتعمل لى الفحص الأخير
وتحدد موعد الولاده .

- إظمنى أنا مسجل الموعد هتلاقينى قبلك هناك

- طيب يلا علشان تفطر قبل ما تخرج .

خرجنا للصالة كانت أمى قد حضرت الإفطار وكانت ماما سميرة
تملاً للفتيات حقيبة الطعام الخاصة بهم .. أقيت عليهم تحية
الصباح .

إبتسمت أمى وقالت :

- يسعد صباحك يا بنتى النهارده أول يوم فى الشهر التاسع .

- أيوه وبادئ بدايه غلسه يا ماما بيرفصنى أوى

ضحكت أمى وقالت :

- شكله هيطلع لاعب كورة .

قالت ايمى :

- أنا نفسي ماما تجيب بنت أنا מבحبش الولاد .

ردت دنيا :

- يا سلام وإحنا ميقاش لنا أخ ؟

- يمكن مرات بابا تكون خلفت .

- لا هي عمرها ما هتخلف .

سألت ماما سميحة دنيا :

- ليه بتقولى كدا ؟

قالت دنيا :

- فاكرة يا ستو لما بابا أخذنا يوم جواز ماما وبابا هشام يومها سمعته
بيقول لطنط نرمين هند إتجوزت وهتخلف تانى البنات دول من حقى
أنا .. قالت له أنا مش عايزاهم . قالها إنت عارفة إنك مستحيل
تقدرى تخلفى هيعيشوا معنا وإعتبريهم بناتك . قالت له إنت
بتعايرنى بعدم الخلفة . يا ستى لا بعايرك ولا حاجه متنسش إنهم
بناتى .

هو ده إالى سمعته يومها وعرفت ان بابا مش هيكون له ولاد
غيرنا .

قال هشام :

- يلا يا قمرات علشان هتتاخروا على المدرسة أنا هوصلكم النهارده
موتورجل لكن بكره هستلم عربيتى الجديدة .

قلت لهشام :

- ماتاخذ عربيتى النهارده .

- وانت هتركبى إيه وإنت رايحة لمعاد الدكتور ؟ يلا يلا يا بنوتاتى .

خرج هشام مع البنات وجلست أكمل إفطاري و إنتقلت ماما سميحة
وماما سميرة للجلوس فى ركنهم الخاص .. ركن الكروشية
والتطريز .

- بتحسسونى إنى فى حصة تدبير منزلى شكلكوا حلو أوى .
قالت أمى :

- إحنا زمان كنا فعلاً حلوين أوى يا هند .

ضحكت ماما سميحة وقالت :

- أيوه كنا بنمشي فى الشارع نستعرض لبسنا وشعرنا وجمالنا .

- للأسف مكانش فى حد بيقولنا إن ده عيب أو حرام .

- فعلاً يا أمى الناس فى الستينات والسبعينات كانوا بيلبسوا براحتهم
أوى .

قالت ماما سميرة :

- أوى .. كان المينى جيب والسواريهات العريانه لكن أنا لبست
الحجاب لما زوجى توفى الله يرحمه .

قالت أمى :

- كانت الفلاحات بس هما إالى بيلبسوا طويل وبيغطوا شعرهم لكن
سيدات المجتمع والطبقات العليا كانوا متبرجات .

أنا ملبستش الطرحة إلا لما كبرت وكانت طرحة تُل سمرا مبينه
شعري ورقبتى للأسف كل ما بفتكر الأيام دى بندم جداً .

قالت ماما سميرة :

- طيب يا سميحة ماهى دى التوبة .. الندم على الذنب والإقلاع عنه
وانت الحمد لله لبستى الحجاب الكبير الجميل .

حاولت تغيير مجرى الحديث لأنى لاحظت الحزن على وجه أمى ..
- ياريت تعلمونى أعمل كروشية .

قالت ماما سميرة :

- ده أجمل شئى تقضى بيه وقت فراغك .. الكروشية ده بفرغ بيه
كل الشحنات السلبية إالى فى جسمى .

- للأسف يا أمى أنا مبعرفش أعمله .

قالت ماما سميحة :

- هند عمرها ما كان عندها وقت فراغ كل وقتها كان للدراسة .

عاودتنى إنقباضات الرحم بصورة كبيرة .. ساعدتنى أمى وماما
سميرة حتى أتمد فى فراشى .

لكن شعرت برغبة فى القئ وببداية الطلق كانت الألام شديدة .

إتصلت ماما سميرة بهشام :

كان هشام على باب شركته فعاد مسرعاً ..

إتصل هشام مرة أخرى وقال :

- خدوا هند للمستشفى وأنا هقابلكوا هناك .

ركبت السيارة مع أمى فى المقعد الخلفى وقادت السيارة ماما سميرة

.. صحيح هى تستطيع القيادة لكنها لم تمتلك رخصة قيادة .. كانت

أمى قلقة علىّ وتخشي أن يوقفنا المرور لكن الأمر مر بسلام

ووصلنا للمشفى وهناك تم إدخالى حجرة الولادة .. وقررت الطبيبة إجراء جراحة قيصرية لى .

بعد خروجى من غرفة العمليات كان شريف ونسيبة والجميع بجانبى لكننى لم أجد هشام سألتهم :

- هشام فين ؟

- هشام تليفونه مقفول ومن الصبح مجاش .

- إزاي راح فين يعنى ؟

- والله يا بنتى كلنا قلقانين عليه .

- إتصلتوا بعادل .

- عادل مسافر هو مراته وأمه .

- طيب والحل إيه ؟

- أنا كلمت البوليس يا بنتى قالوا لى لازم يمر أربعة وعشرين ساعة على إختفائه .

قالت نسيبة :

- إطمنى يا هند هشام هيرجع بالسلامة .

قال شريف :

- من شوية جت الممرضة وسألت عن إسم المولود هتسموه إيه ؟

قالت ماما سميرة :

- هيسموه محمد مش كدا يا هند ؟

- أيوا يا ماما هنسميه محمد .. لكن هشام فين أنا قلقانه جداً عليه .

خرجت من المستشفى بعد يومين ولم نجد أى أثر لهشام ..
أحضر لنا البوليس المحمول الخاص به والكامير وحقية أوراقه ..
فقد وجدت مع أحد اللصوص .

قال شريف أنه قابل اللص وسأله عن هشام قال أنه كان يجرى على
الطريق وإرتطم به فسقط هشام على رأسه فأخذ ما معه من أموال
وأوراق وهرب قبل أن يفيق من الإغماء وعندما عدت للبيت كان
البوليس فى إنتظارى للقبض علىّ لأنى تشاجرت مع شخص ما
بالأمس .

قال الضابط إن كاميرة المراقبة أثبتت صدق رواية اللص .
مر شهراً كاملاً ولا نعرف أين ذهب هشام .. وضعنا صورته فى كل
مكان ورصدنا مكافأة مالية لمن يحضره لنا .

عندما عاد عادل من سفره جاء مباشرة الينا وقال :

- إطمنى يا هند هنلاقيه .

ولا أقولك محلمتيش أى حلم من أحلامك تعرفى لنا مكانه .

- فعلاً أنا مستغربة إنى حتى لما حلمت كنت بشوف هشام شايل
محمد .

قالت أمى :

- طيب يا بنتى دى بشرة خير .

قالت نسيبة :

- أول ما تقدرى تصومى يا هند هنعمل زى ما عملنا المرة اللى
فانتت .. فاكرة جلسة ذكر ودعاء وإبتهاال حتى يعود لنا هشام .

- ادعى يا نسبية .

- أنا يا جماعة هروح بيتى أرتاح أنا رجعت بسرعة وسبت مراتى فى فرنسا عند أهلها .

قالت ماما سميرة :

- أقعد إتغدى يا حبيبي .

- لا أنا أكلت فى الطائرة .. لازم أروح أغير هدومى وأرتاح شوية وبعدين هرجع أتعشي معاكم .

خرج عادل وقامت ماما سميرة ودخلت لتتوضأ .. سمعت صوت بكاءها فأنضمت أمى إليها وإستمروا فى بكاء متواصل فشجعهم محمد وبدأ بالبكاء أيضاً .

أما أنا فكنت أشعر بالإطمئنان لكن كل ما خشيته أن يصيب ماما سميرة مكروه بسبب حزنها وبكاءها المتواصل .. كنت واثقة من عودة هشام

- عندما وصل عادل لبيته قابله أحد الجيران وأخبره ان متشرداً قام بإحتلال فناء البيت وأنهم قاموا بإبلاغ البوليس لكن المتشرد هرب عندما جاء البوليس .

عندما دخل عادل الحديقة وجد المتشرد قد احتل الفناء وقام بغسل ملابسه ونشرها ووجد إناء به بقايا الطعام .. قام بالدوران حول الفيلا فوجده نائماً خلف الفيلا .. إتصل بالبوليس فربما يكون هذا المُشرد مسلحاً .. خرج ينتظر البوليس مع جاره .

إستيقظ المُشرد عندما سمع صافرة سيارة البوليس وهرب بعيداً رآه عادل يعدو عبر الفناء ثم يقفز فوق السور هارباً .. ركب الشرطى

سيارته وبدأ بمطارده المُشرد وطلب من عادل فتح الفيلا ليتأكد بأن الرجل لم يسرق شيئاً ..

دخل عادل الفيلا فوجد كل شيء في موضعه فعاد لجاره ووقف بجانبه ينتظر عودة الشرطى .. سأل عادل جاره :

- متى ظهر هذا المُشرد ؟

قال الجار :

- رأيتُه يعبر الفناء بعد سفركم بأيام قليلة . أين والدتك وزوجتك ؟

- والدتى سافرت للسعودية وأنا وزوجتى كنا فى فرنسا .

لكن يا صديقى ألم يتحدث أحدكم مع هذا المتشرد ويعلم منه لما يحتل حديقة بيتى أنا بالذات ؟

قال الجار :

- لقد جاء وسألنى عنك وأخبرنى أنه قريبك القادم من مصر .

بدأ عادل يضرب كفاً بكف وصرخ قائلاً :

- هشام !! لا بد أنه هشام ابن خالتى الذى فقد الذاكرة .

قال الجار :

- كانت ثيابه ممزقه ووجهه مجروح .

ترك عادل جاره الثرثار وجرى يبحث عن هشام بدأ عادل ينادى هشام ثم يجرى فى كل الطرقات منادياً .. هشام إظهر يا هشام أين أنت ؟

ظهر هشام من خلف أحد الأشجار واقترب من عادل .. إحتضنه عادل وركب معه سيارته وإنطلقوا الى بيت هند .

- عادل إحنا رايعين فين البوليس بيطاردنى ومعديش أى أوراق .
- أنا أصلاً مش عارف أنا جيت أمريكا إزاي وإيه حصل .
- يا ابنى إالى حصل لك ميخطرش على بال بشر .
- إنت كنت فين ؟
- أنا كنت مسافر فرنسا .
- أنا فعلاً رحى الصيدلية إالى إنت بتشتغل فيها وسألت عنك .
- إستنى لما نروح وتبدأ تحكى حكايتك للكل .
- طيب إنت ليه مدخلتنيش بيتك؟؟
- علشان إنت هتروح بيتك إنت أنا خايف على خالتى هى قلقانه عليك جداً .
- بيتى ؟ هو أنا ليا بيت هنا ؟
- أيوا ليك بيت ووالدتك موجوده هناك .
- بدأ هشام يلقي الأسئلة على عادل لكن عادل لم يجبه ورد عليه ..
- إستنى بس ده إنت هتتفاجأ .. المهم طول بالك
- دخل هشام وعادل البناية التى يقطنها هشام .. ضغط عادل رقم الشقة فرد صوت قال عادل .. - نسبية إفتحى الباب .
- سأل هشام :
- مين نسبية ؟
- أصبر على رزقك ..

عندما سعدوا للأعلى فتح الباب وخرج طفل صغير ماداً ذراعيه
لهشام وقال :

- عمو هشام .

نظر هشام للطفل وسأل عادل :

- مين ده ؟

- ده هشام الصغير ابن شريف صاحبك .

- ابن شريف .. شريف جلال ؟

- بالضبط .

خرجت فتاتان وإحتضنتنا هشام وتعلقت الصغري برقبته .

قال هشام :

- ودول كمان ولاد شريف ؟

ثم جاءت نسيبة مبتسمة ونظرت قائلة :

- حمداً لله على السلامة .

- دي دكتورة نسيبة زوجة شريف .. قال هشام .

- أنا عارف الدكتورة إتقابلنا قبل كدا من زمان أهلا بيك يا دكتورة .

قالت نسيبة :

- واضح إنك فقدت الذاكرة .

قال عادل :

- والله أنا مش عارف هو فقد الذاكرة ولا رجعت له الذاكرة .

مال هشام على أذن عادل :

- إنت جايينى بيت شريف ليه ؟

إحتضنت الفتاة الكبيرة هشام وقالت :

- وحشتنى أوى يا بابا متعرفش إحنا قلقنا عليك قد إيه دى ماما كانت هتجنن وتيته ربنا كان عالم بيها .

مال على أذن عادل :

- هى دى بنتى ولا بنت شريف ؟

إبتسم عادل وسأل نسيبة :

- هو شريف فين ؟

قالت نسيبة :

- خرجوا كلهم مع هند .. ماما سميرة وماما سميحة راحوا يعملوا تشيك اب بسبب ظروفهم النفسية .. وهند كانت عايزة تظمن على محمد .

كان هشام ينظر للجميع بذهول ولا يفهم أى شىء لكنه قال :

- هى هند هنا فى أمريكا ؟

قال عادل :

- هند هنا ودول ايمى ودنيا بناتها .. يلا يا هشام أدخل الأوضة دى خد دش وإلبس أى حاجه من الدولاب إالى فيها .

ثم نظر الى نسيبة التى تتحدث فى الهاتف قائلاً :

- إنتم عندكم أكل ولا لا إحنا جعانيين .

أنهت نسيبة المحادثة الهاتفية وقالت :

- حالاً سأجهز لكم الطعام لقد أخبرت شريف بعودة هشام فقال أنه
لن يحكى لهم شيئاً من أجل المفاجأة .

قال هشام :

- بقيتى بتتكلمى عربى كويس يا دكتورة نسيبة .

- نعم فهى لغة القرآن الكريم .

- دخلت مع شريف إلى البيت فوجدت هشام بداخله .. تركت الجميع
واقتربت من هشام واحتضنته ..

كان هشام يرتعد وينظر ناحية شريف ثم ينظر لايمنى ودنيا فيرى
الجميع يبتسم .. أغرقت دموعى وجه هشام .. لم يحتضنى هشام ولم
يلمسنى .. لم يكن يعرف أننى صرت زوجته .. لاحظت برود هشام
لكنى لم أهتم .. كان إحساسى يقودنى دوماً .

تركت هشام ونظرت له فنظر لى بحب وشوق دخلت أمى وأمه
واحتضنتا هشام .. صار هشام يقبلهم ويحتضنهم ويقبل أيديهم

ناول شريف هشام محمد قائلاً :

- إتفضل يا سيدى الأستاذ محمد .

نظر هشام فى وجه محمد وقال :

- بسم الله ما شاء الله زى القمر ويبقى مين الأستاذ محمد ؟

ضحكت هند الصغيرة وقالت :

- ها ها هاى إنت حضرتك يا عمو متعرفش مين محمد ؟

قال عادل :

- أقعد يا هشام .. أقعد الأول .

جلس هشام وإحتضن محمد ثم قال :

مين وإزاي وإيه إللى بيحصل هنا ؟

قال عادل :

- محمد يبقي ابن هند وإبنك يا هشام .. هند مراتك من سنة .

أغمض هشام عينه ونظر ناحيتى ..

- يعنى لما ربنا يجمعنا ونتجوز نتجوز وأنا غايب عن الوعى .

قال شريف ضاحكاً :

- غايب عن الوعى إزاي يا عم إحنا شربناك حاجه صفره وجوزناك

البنبت يعنى .

قلت لهشام :

- لا إنت مكنتش غايب عن الوعى ولا حاجه .

لم أشعر بهم وهما يخرجون من المنزل .. أخذ شريف أمى ونسيبه

وأولاده وأخذ عادل البنات وماما سميرة وإنصرفوا بهدوء ولم

يعودوا للبيت إلا بعد ثلاثة أيام كنت فيهم أنا وهشام ومحمد فقط .. لم

نرد على تليفون ولم نطلب طعام من خارج البيت ..

عاد لى هشام الطفل الصغير الذى كنت العب معه ونحن صغار ..

حكيت له حكايته كاملة وحكى لى كيف تركنى .. مرت علينا الأيام

الثلاثة كحلم جميل .. كنت أستيقظ من نومى فزعة لأتأكد أن هشام

نائماً بجوارى ولم تكن عيني تغمض إلا وأنا ممسكة بيده .

بعد الإستقرار وحالة الهدوء التي شملتنا جميعاً فاجأنى هشام بشراء بيت كبير لنا فى منطقة راقية ..

إنتقلنا له جميعاً .. عادت أمى لمصر حتى لا تترك أبى بمفرده أكثر من ذلك .. كان محمد شديد الإرتباط بى وبجدته سميرة التي ساعدتني بحب وساعدتني أكثر فى فترة الإمتحانات .

دخلت إبتائى الى مرحلة المراهقة دون أن أشعر بهم لكنى فوجئت بالتغيير الطارئ عليهن .. فوجئت بدنيا التي بدأت تهتم بشعرها وملابسها وتضع بعض المكياج .. أعلم جيداً بسن الرابعة عشرة ومتاعبها . لكنى خشيت على إبتنى عندما حكيت لهشام عن مخاوفى قال :

- إنتى بتبالغى أوى .. دنيا بنت زى العسل وعموماً خللى بالك .
 - أخللى بالى إزاي وإمتحاناتى قربت .
 - إسمعى يا هند بنتك أهم من أى شىء فى الدنيا لازم تفتحى عينك .
 - إنت هتخوفنى ؟ كنت بتقول ..
- قاطعنى قائلاً :

- ده صحيح لكن إحنا فى مجتمع يحتاج إننا نفتح عيوننا أوى .. ممكن ننام .

- لا نام إنت أنا هروح أتطمئن على البنات .

دخلت حجرة البنات وبدأت فى تغطيتهم ..

بناتى لا يزالوا أطفال .. كانت دنيا تحتضن عروستها فإبتسمت وإطمأن قلبي وخرجت للصالة وجلست أذاكر .

اليوم التالى عادت ايمى بمفردها من المدرسة .. سألتها :

- أو مال دنيا فين ؟

قالت :

- دنيا ماشيه مع أصحابها .. غلسوا عليه فسبتهم وجيت .

وقفت أمام البيت أنتظرها حتى جاءت وبرفقتها ثلاثة أولاد .. أحدهم يكبرها بعامين على الأقل . قدمتهم لى بأنها مشتركة معهم فى حفلة وتريد بعض الكتب عن الفراعنة لأنهم سيصمموا الديكور على هيئة معبد فرعونى كما اقترحت دنيا .

قالت دنيا :

- ممكن تساعدينا يا ماما .

وعدتها بعمل ملف لصور بعض المعابد الفرعونية .. إنصرف الأولاد وذهبت دنيا تودعهم فقام الولد الكبير بتقبيلها على خدها وخرجوا من بابا الحديقة .. لم أتمالك نفسي فصفعت دنيا على وجهها وصرخت :

- إزاي تيجى لى معاكى الأولاد دول وإزى الولد ده يبوسك يا مجرمة .

بدأت دنيا تصرخ بصورة مستفزة وتقول :

- إنت متخلفة يا ماما هذا صديقى إنت فاهمه

he is my boy friend

- يا نهار إسود بوى فرند إزاي يعنى إيه ؟

تركتنى ودخلت حجرتها .. إتصلت بنسيبة وقلت لها :

- إحقينى يا نسيبة . ثم حكيت لها ما حدث .. طلبت منى أن اهدأ
لابد أن نأخذ الأمر بعقل .

- البنبت قالت إنها بتحبه .. قالت ماى بوى فرند

- إعرفى التفاصيل من ايمى .. ايمى أصغر لكن أعقل .. وسيبى دنيا
خالص وهجى لك بالليل ونتكلم .

عندما تحدثت مع ايمى خرجت دنيا لتعتذر لى لأنها تحدثت معى
بعصبية وقالت :

- ان كل البنات لهم أصحاب .

قالت ايمى :

- إلا أنا .

أنا بكره الأولاد.. كلهم تافهين ومغرورين .

قالت لها دنيا :

- لو فضلتى تصاحبى البنات بس هيفتكروكى شاذة .

صرخت فى وجهها :

- شاذة يا نهار إسود إنتى تعرفى معنى الكلمة دى إيه ؟

قالت دنيا :

- أعرف طبعاً يعنى مثلية .. مامى إحنا درسنا كل شئ عن الجنس .

- ومدرستوش الحلال والحرام .

قالت ايمى :

- مامى هو أنا شاذة ؟

- لا يا حبيبتى المجتمع هنا فيه كم كبير من الإنحلال وأنا بعدت عنكم كثير وكان لازم أفهمكم كام وكمان كطبيبة إزاي تمروا بالفترة دى .

قالت دنيا بوقاحة :

- إحنا نعرف كل شئ ونعرف كمان إنت ممكن تقولى إيه .. مامى إحنا جايين من بلد متخلف لبلد الحضارة لازم نبقي زيهم .

قالت ايمى :

- مامى كل البنات إالى فى الصفوف الكبيرة بيمارسوا الجنس .

صرخت فى وجوههم :

- إزاي كدا . كنت سأعرض لأنهيار عصبى من كلام بناتى خشيت أن أسألهم وهل مارستم الجنس فيجيبونى بنعم .

أنقذنى وصول نسيبة .. عندما رأت وجهى شعرت بحالتى .

طلبت منى أن أتركها مع البنات .. لكن قلبي لم يطاوعنى وظل الفضول يسيطر على فلم أتحرك بدأت نسيبة تحدثهم بهدوء وأنا صمت تماماً

لكنى فهمت من حوارهم الدائم أن دنيا تساير الوسط الذى ستحيا فيه وكل هدفها أن تفوز بلقب ملكة جمال المدرسة .

حكى دنيا كيف كان الأولاد يعاملونها قبل أن تتعرف بـ جو صديقها الذى جعلها تندمج فى وسط التلاميذ وأصبح الجميع ينظر لها بأحترام لأنها صديقة جو .

قالت نسيبة :

- وجو يعلم إنك مسلمة ؟

- أكيد عارف إنى مصرية مسلمة لكن الدين مش موضوعنا .

- أو مال إيه موضوعنا ؟

- يعنى مبنفكرش فى الدين والأخلاق والكلام المتخلف ده كل إالى بنفكر فيه إزاي نكون مبسوطين .

كنت أضغط على أعصابي حتى أتحمل طعنات إبنتي لقلبي .

قالت نسيبة :

- حبيبتى أنا ولدت ونشأت فى هذا الجو ودرست فى هذه المدرسة وأعلم جيداً كيف يتعامل طلابها معاً وكانت لى صديقات كثيرات تركن المدرسة عندما أصبحوا حوامل وخسروا مستقبلهم وضاعت سعادتهم المؤقتة وصديقات صرن مدمنات وهناك من إنتحرن ومن قتلهن أحبابهن .

قالت دنيا :

- نسمع نفس الكلام لكنها إشاعات وقصص مكررة يحكيها لنا الأباء والمعلمون .

حملت نسيبة حقيبتها وقالت :

- غداً سأزوركم برفقة صديقتى .

خرجت خلفها فقالت :

- غداً الويك إند أصبرى ولا تتحدثى معهن فى شىء غداً سأحضر لهن مفاجأة .

جاءت ايمى وجلست بجانبى وأنا أرضع شقيقها

- مامى هى إمتحاناتك إمتى ؟

- بعد ست شهور .

- وبعدها تكونى خلصتى دراستك ؟

- أيوه يا حبيبتى إن شاء الله لو نجحت أكون حصلت على
الدكتوراة .

- وإحنا كمان نكون خلصنا امتحانات صح يا ماما ؟

- صحيح يا حبيبتى .

- طيب ممكن نرجع مصر .. ماما أنا مبحبش الحياة هنا .. فى مصر
كنا كويسين صحيح كنتى بعيدة عننا بس هناك كنا أسعد .

- بجد يا ايمى إنت عايزة ترجعى مصر ؟

- ياريت .. لكن دنيا مبحبش مصر وبتحب أمريكا وممكن ترفض
ترجع معانا .

- مستحيل طبعاً كلنا هنرجع مع بعض .

- وخالو شريف كمان وعيلته كمان ؟

- معرفش خالك شريف هيجى معانا ولا لا .

عندما عاد هشام ليلاً ورأى حالتى ضمنى إلى صدره وقال :

- مالك يا هند إحكى لى إيه إالى حصل .

- بناتى هيضيعوا منى يا هشام .

- ليه بس فى إيه إحكى .

حكيت له ما حدث ..

فقال :

- إنتى عارفه سن المراهقة ومشاكلها .

- مشاكلها دى يا هشام لو إحنا فى مصر.. لكن إنت متعرفش هنا فى إيه .

- عارف وبشوف كل يوم وبسمع حاجات تقرف

- تعرف ان ايمى نفسها نرجع مصر .

- ياريت والله وأنا مستعد .

- طيب وشغلك ؟

- شغل إيه إنتم عندى أهم من الدنيا كلها وأنا إستقرت هنا علشان خاطر كم بس .

- مصر كمان مشاكلها كتير .

- طيب يعنى مشاكلها كتير نهرب منها ولا نحاول نحل مشاكلها .

- عموماً نسبية عاقلة وهى هتساعد البنات ومن هنا لحد لما يمرؤا الست شهور الباقيين نكون قررنا وشفنا هنعمل إيه .

أمى وابويا وحشونى .

- وأمى كمان نفسها نرجع مصر ونعيش هناك . يلا ننام وبكرا نشوف نسبية هتعمل إيه .. ياريت تتعاملى مع البنات بعقل وهدوء .. العصبية مرفوضة تماماً .

- وإنت هتعمل إيه ؟

- أنا هاخدكم بكره ونروح نتفسح ونريح أعصابنا ونوريهم الحب والسعادة مرتبطة بالحلال وبرضا ربنا إزاي .

- أنا عندي مذاكرة كتير ومش هقدر أخرج معاكم خدهم إنت وفسحهم .

- مع إنها متتسماش فسحة من غيرك .

- معلش يا حبيبي أنا ضيعت وقت كبير ونفسي أخلص من الدكتوراة .

فى مساء اليوم التالى جاءت نسبية ومعها صديقتها من أيام الدراسة ..

قالت نسبية :

- هذه كيلي وهذه إيمللى كانتا زميلتاي فى المدرسة .

قالت دنيا :

- بالعربية كيلي عاملة نظافة فى مدرستنا والجميع يعتبرها غريبة الأطوار .

قالت نسبية :

- من الأمانة أننا نتحدث بالإنجليزية حتى يفهموا ما نقول .. ومن الأمانة أيضاً أن أقول لكم أنهما طلبتا ألف دولار حتى تأتيا معى لتحكى كل واحدة حكايتها .

قالت دنيا :

- يعنى اتفتى معاهم وإديتهم فلوس كل ده علشان إيه علشان
تضحكوا علينا ؟

صرخت فى وجهها :

- بنت .. إنت اتجننتى إزاي تكلمنى نسيبة كدا ؟

قالت نسيبة :

- أظن لو عايزة أضحك عليكم مكنتش قلت لك الحقيقة .. هما فعلاً
خدوا فلوس علشان يقولوا لنا الحقيقة إالى معاهم الدليل عليها .

ثم قالت لكيلى تبدأفى الحديث ..

فتحت لكيلى حقيبتها وأخرجت اليوم صور وعرضته علينا.. قالت :

- كنت أظن العالم لهو ولعب .. كنت جميلة ومحبوبة من كل
أصدقائى وبخاصة الفتيان الذين كانوا يتنافسون لكسب ودى .

أنظرى هذه صورتي عندما فزت بلقب ملكة جمال عيد الربيع وهذا
الشاب كان صديقى .. عندها وكنا نهرب معاً لقضاء الليل فى بيت
جدته الصماء .. ندخل دون أن ترانا حتى جاء اليوم الذى إكتشفت
أننى حامل وعمرى لم يتجاوز الخامسة عشرة .. هرب جيمى منى
وتركنى أواجه المصيبة بمفردى .. لجأت لإحدى المعلمات فلم تكن
لى أم لقد تركتنا وهربت وأنا طفلة صغيرة وكنت أعيش مع أبى
وزوجته

أخبرت المعلمة أبى بالحقيقة وتم نقلى إلى أحد الأديرة .. عشت فيه
خمسة أشهر كاملة حتى وضعت طفلتى .. لكنهم أخذوها لحظة
ولادتها ولم أراها أبداً لكننى أعلم أنها على قيد الحياة تبنتها أسرة

حاولت بكل الطرق أن أعرف مصير طفلاتى .. كنت أبكى ليل
نهار ..

هربت من أبى وتعرضت للإغتصاب أكثر من مرة .. وعندما عدت
هنا رأيت جيمى يواعد طالبة أخرى فلم أتمالك نفسي فطعنته بأحد
الزجاجات الفارغة ودخلت السجن الذى قضيت به عشرة أعوام .

وعندما خرجت عدت هنا مرة أخرى لأقيم فى بيت أبى المتوفى
وعملت عاملة نظافة فى المدرسة التى درست بها يوماً ما .. قررت
أن أعيش ربما أعرف مكان ابنتى فى أحد الأيام .

أومات نسبية لإميللى حتى تتحدث قالت إيميللى :

- أنا وسيلفانا كنا زميلتين .. كنا نعتبر سيلفى غريبة الأطوار فهى
تهتم بدروسها وتذهب للكنيسة .. أما أنا فكانت أجمل الطالبات
أصاحب هذا وأترك ذاك ونتيجة هذا السلوك أننى سقطت فى دوامة
الإدمان ومن يومها وأنا أعالج من الأدمان .. أدخل المصحة أقضى
بها بعض الوقت ثم أهرب منها .

أعمل الآن راقصة تعرى فى أحد الملاهى الليلية

كان الدهول والرعب مرسومان على وجه بناتى

- خرجت كيللى وإيميللى وعادت نسبية تحدث بناتى عما حبيبها فى
الإسلام وتعاليمه .. وحكت لهم كيف تعرفت بشريف ولماذا أحبته ..
كلامها جعلنى فخورة بأخى .

بدأت تسرد مميزات الحياة فى أمريكا من حيث ارتفاع مستوى
المعيشة وتقدير قيمة العلم والإهتمام بالعمل وهذا لا يتوفر فى
المجتمعات العربية والمسلمة .

لكن عيوب الحياة فى أمريكا تطغى على كل تلك المميزات

وقالت أنها تتمنى أن تربي هنوده فى مصر على القيم والمبادئ الإسلامية والشرقية .

- تعالى معنا سنعود فى نهاية العام للحياة بمصر

- صفقت ايمى بيدها وقالت :

- ياريت تيجوا معنا إنت وخالى شريف وهنودة وإتش .

أما دنيا فقد خرجت مفكرة وذهبت لحجرتها

نامت دنيا طيلة يوم الأحد ورفضت تناول الطعام إلى أن سمعت آذان المغرب وجدتها تدخل المطبخ وتحضر بعض الطعام وقالت أنا كنت صائمة .

- وليه مقولتيش ؟

- نويت صيام الصبح لما صحيت من النوم .

- طيب ينفع صيام من غير صلاة ؟

- كنت بصلى يا ماما والله أقوم أصلى وأنام تانى

- طيب وليه صائمة ؟ وليه نمتى طول اليوم ؟

- كنت بفكر .

- بتفكرى فى ايه ؟ ويا ترى نتيجة تفكيرك ده وصلتاك لفين ؟

- وصلتنى لحاجه هتحببها أوى وهتفرحى بيها مفاجأة هتشوفبها بكره الصبح .

- مفاجأة إيه يا بنت أنا بكره المفاجآت .

- بس المفاجأة دى هتحببها جداً .

- طيب هنشوف .. وإيه رأيك فى موضوع رجوعنا مصر ؟

- موافقة طبعاً .. وتركتنى وجرت ناحية حجرتها .

فى الصباح استيقظت مبكرة وانتظرت فى الصلاة لأرى مفاجأة دنيا .. وقفت ايمى بباب الحجره وقالت والآن اقدم لكم الأنسة دنيا هانى وبدأت تتنرم بموسيقى تاتا تالا لا لا لا لا .

ثم خرجت دنيا من حجرتها وهى ترتدى الحجاب الأبيض الجميل .. كانت ترتدى جيبه من الجينز الكحلى وعليها بلوزة بيضاء جميلة ويزين وجهها الطرحة البيضاء .. أعجبنى مظهرها ورأيت هشام عاقداً يديه على صدره وينظر لها مبتسماً .. إحتضنتنى دنيا وقالت :

- إيه رأيك فى المفاجأة ؟

- جميلة واللبس ده حلو جداً .

- طبعاً ماهو زوق بابا هشام .

- إنت يا هشام كنت عارف ؟

- أنا ودينى بنوتى الجميلة رتبنا كل شىء مع بعض .

قالت ايمى :

- بابا هشام فسحنا كتير وإشترى لنا لبس وأنا كمان قررت ألبس الحجاب بس مش السنة دى يمكن السنة الجاية وحضرتك طبعاً عارفة ليه .

نظرت لدنيا قائلة :

- يعنى كنت مقتنعة بالكلام ده قبل نسيبة ما تيجى .

- أيوه يا ماما والله أنا مؤمنة بالله وعارفه إن ربنا كان غضبان عليه
بس كنت بعمل زى البنات علشان مبقاش متخلفة زى ما بيقلوا .

خرجت الفتيات للمدرسة وقال هشام :

- نويتى نرجع مصر ؟

- طبعا نرجع يا حبيبي .. يلا علشان تروح شغلك وأنا كمان عندي
شغل .

- إيه رأيك ناخذ أجازة النهارده ؟

- لا مستحيل عايزين نرجع مصر بعد ست شهور يبقى منزودش
يوم واحد مفيش وقت نضيعه .

ركب معى سيارتى وقال :

- فى أراض فى مصر فى المدن الجديدة بفكر لما نرجع مصر
أشترى مساحة كبيرة أبني عليها بيت وأعمل فيها مزرعة خيول .

- إنت بقيت بتحب الخيل جداً .

- جداً جداً بس مش أكثر منك .. هبعث رسالة للحج محسن ابن عمى
يشوف الأرض هناك ويعرف لى الأسعار والشروط وربنا يبسر إيه
رأيك ؟

- موافقة طبعا .

- وأهى الأرض دى هتكون قريبة من القاهرة ويبقى ده مشروع
لمستقبلنا .. موافقة ؟

- موافقة جداً .

- ياريت شريف ييجى معانا هو كمان .

- الفكرة دى فكرة شريف وهو راجع مصر قبلنا .. محسن هيشترى
لنا ولشريف ونبنى هناك ونرجع مصر مع بعض .

- لما بييجى الصيف هنكون فى مصر

إن شاء الله

وعدنا إلى مصر فى الصيف .وتأكدت حينها أن مصر هى أرض
الأحلام .وهى المكان الذى يتعرف فيه القلب على نبضاته .وتتعانق
به الأرواح .

فى الطائرة همست فى أذن هشام لم تكن لروحي راحة يوما بعيدا
عنك .. فأنت موطن الروح ولم تكن لجسدى راحة بعيدا عن مصر..
كان هشام يسجل بعض الكلمات على ورقة فأعطانى إياها لأقرأها
كان مكتوبا بها

يا مصر يا سلطنة الدنيا

وسيدة العصور

أغفرى لى جهلى وحمقى

وما أرتكبه من غرور

الله كلمات جميلة جدا يا هشام

هى دى الكلمات اللى يجب ان يكررها كل مصرى لأنه فرط حقا فى
واجبه تجاه مصر .

_ زمان كانت مصر عظيمة لما كان المصرى عظام

فعلآ لأن مصر لآست هبة النيل ولكنها هبة وهبها الله للمصرى
حآن كان آستحقها وأرجو ألاآنتزعها منا عندما نتخلى عنها

النهاية.

صفحة الغلاف

عد مع الشمس إذا تجلت .. أو مع الظلمات إذا تراكمت بعضها فوق
بعض

عد ولا تدعنى وحدي على حافة العدم الضيقة